

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

APR 15 1952

T 5307 /1324

04

唐陸宣公翰苑集卷第八



山右張佩芳蓀圃注釋



新安汪肇龍稚川

程瑤田易田

汪梧鳳在湘

方矩晞原叅訂

制誥

賈耽東都留守制

唐書賈耽傳耽為山南西道節度使建中三年徙東道德

梁耽使司馬樊澤奏事澤還耽大置酒會俄有急詔至以澤代耽召為工部尚書

于懷飲如故既罷召澤曰詔以公代吾
敕將吏謁澤大將張獻甫曰天子播越不
以公命問行在乃規旄鉞利公土地可謂事
不忠矣軍中不平請為公殺之耽曰是何言耶
朝廷有命即為帥矣吾今趨覲得以
君俱乃行軍中遂安俄為東都留守

河洛舊都

書禹貢導河積石至于龍門南至于華陰東

二月既望越六日乙未王朝步自周則至于豐惟太保
先周公相宅越若來三月惟丙午朏越三日戊申太保
朝至于洛卜宅厥既得卜則經營越三日庚戌太保乃
以庶殷攻位于洛泃越五日甲寅位成若翼日乙卯周
公朝至于洛則達觀於新邑營洛誥周公拜手稽首曰
朕復子明辟王如弗敢及天基命定命予乃膺保大相
東土其基作民明辟予惟乙卯朝至于洛師我卜河朔
黎水我乃卜澗水東灑水西惟洛食我又卜灑水東亦
惟洛食佯來以圖及獻卜康誥惟三月哉生魄周公初
基作新大邑于東國洛四方民大和會周禮地官大司

徒以土圭之灋測土深正日景以求地中日南則景短
多暑日北則景長多寒日東則景夕多風日西則景朝
多陰日至之景尺有五寸謂之地中天地之所合也四
時之所交也風雨之所會也陰陽之所和也然則百物
阜安乃建王國焉制其畿方千里而封樹之注鄭司農
云土圭之長尺有五寸以夏至之日立八尺之表其景
適與土圭等謂之地中今潁川陽城地為然疏潁川郡
陽城縣是周公度景之處古迹猶存案春秋左氏武王
克商遷九鼎于洛邑欲以為都不在潁川地中者武王
欲取河洛之鬪形勝之所洛都雖不在地之正中潁川
地中仍在畿內通典河南府洛州蓋周之舊都昔武王
克殷定鼎於郊鄔至成王營成周卜澗水東灑水西而
宅洛邑是為王城又於灑水東卜亦吉遷殷頑人居之
平王因犬戎之亂自豐東遷而居王城則東周之始王
也凡周漢魏晉後魏隋至於我唐并為帝時巡久曠命
都今號為東京後改號東都領縣二十六

以居守俾之保綏閒者淮甸不寧汝墳屢警增置軍府

唐書方鎮表至德元載置東畿觀察使領懷鄭許陝四州建中二年置河陽三城節度使以東畿觀察使兼之尋置使增領東畿五縣及衛州作藩王畿職任既分威望非重思有總

制一其典刑爰資信臣往又東夏書庸建爾于上銀青

光祿大夫守工部尚書魏國公賈耽唐書地理志魏州魏郡屬河北道

豁達貞方識通大體明九域山川之要究五方風俗之

宜唐書賈耽傳耽嗜觀書老益勤尤悉地里四方之人與使夷狄者見之必從詢索風俗故天下地土區產

山川夷岨必究知之方吐蕃盛強盜有隴西異時州縣遠近有司不復傳耽乃繪布隴右山南九州且載河所

經受為圖又以洮湟甘涼屯鎮額籍道里廣狹山險水原為別錄六篇河西戎之錄四篇上之又圖海內華夏

廣三丈從三丈三尺以寸為百里并撰古今郡縣道四夷述其中國本之禹貢外夷本班固漢書古郡國題以

墨今州縣以朱刊落疏舛多所釐正或指畫問其邦人咸得其真又著真元十道錄以貞觀分天下隸十道在景雲為按察開元為採訪廢置升降備焉恆因物情以施教化所蒞之郡霽

其休聲悅李廣之風人皆自便史記李將軍傳廣行無部伍行陣就善水草屯

舍止人人自便不擊刁斗以自衛幕府懷羊祜之德敵

省約文書籍事然亦遠斥候未嘗遇害不敢侵晉書羊祜傳每與吳人交兵尅日方戰不為掩

使不得言軍行吳境刈穀為糧皆計所侵送絹償之每游獵常止晉地若禽獸先為吳人所傷而為晉兵所得

者皆封還之於是吳人翕然自誠而明在久彌著分我悅服稱為羊公不之名也

憂寄實為其人董制軍師禮記謀人之軍師敗則死之安集疲瘵統

禦都邑提持紀綱懋昭厥猷無替朕命可守本官兼御

史大夫充東都留守東都畿汝州都防禦觀察等使

唐書

方鎮表乾元元年汝州隸豫許汝節度大歷十四年復置東畿觀察使復領汝州建中二年以汝州隸河陽尋復舊復置陝西防禦使通鑑音注雍華同商岐幽為京畿洛汝為都畿

判東都尚書省事

散官勳封如故

崔縱東都留守制

唐書五王列傳貞元元年天子郊見縱為大禮使除吏部侍郎

尋為河南尹入為太常卿封常山縣公卒贈吏部尚書

居守之重

左傳郤至佐中軍荀瑩居守

固難其人近歲以來益又繁

綜領廉察之任專禦備之權地廣務殷一皆咨稟非利

用罔以通濟非純德不能保綏周爰咨詢公論有屬銀

青光祿大夫行尚書吏部侍郎上柱國安平縣崔縱素

風自遠代濟忠貞

唐書五王列傳縱崔渙之子博陵郡王崔元暉曾孫德宗徙梁州縱追扈

不及左右短縱素善懷光殆不來帝曰知縱者朕也非爾輩所及後數日至

慶之所鍾繼有

才哲氣質淳茂識度淹通蘊經遠之沉謀宣適時之利

用寬而不弛簡則能周以茲公方多歷要重小大之務

必聞休聲輒於周行式是東夏擢居春官之長

周禮小宰以官

府之六屬舉邦治三曰春官其屬六十掌邦禮大事則從其長小事則專達又序官乃立春官宗伯使帥其屬

而掌邦禮以佐王和邦國通典唐虞之時秩宗典三禮周禮春官大宗伯掌建邦之天神人鬼地祇之禮後漢

尚書吏曹兼職魏尚書有祠部曹後周置春官卿至隋置禮部尚書統禮部祠部主客膳部四曹唐龍朔二年

改禮部尚書為司禮太常伯咸亨元年復舊光宅元年
改禮部為春官唐書百官志禮部尚書一人正三品掌
禮儀祭享貢舉之政其屬有四一曰且兼副相之雄懋
禮部二曰祠部三曰膳部四曰主客

昭厥庸期復先構可檢校禮部尚書兼御史大夫充東

都畱守判東都尚書省充東都畿汝唐鄧等州都防禦

觀察處置使唐書方鎮表貞元元年廢東都畿汝州節
度置都防禦使以東都畱守兼之增領唐

鄧二州二年升東都畿汝州都防禦使為都防禦觀察
使地理志汝州臨汝郡屬河南道沁州淮安郡武德五

年以唐城山更名屬山南道散官勳封如故
唐鄧注見前制誥七卷南陽

普王荆襄江西道兵馬都元帥制唐書地理志普
州安岳郡屬劍

南道通鑑音注普州漢牛鞞墊江資中三縣地
後周置安岳縣並置普州至京師二千三百六

十里至東都三千二百三里唐書十一宗諸子
列傳舒王諡初名謨大歷十四年始王舒與通

虔肅資四王同封拜開府儀同三司李希烈反
招討使李勉戰不勝奔宋州朝廷大震乃拜謨

揚州大都督荆襄江西沔鄂節度使諸軍行營
兵馬都元帥改名諡軍中以哥舒翰由元帥敗

而王所封同之
帝乃使徙王普

君人立極所務於勝殘秉律成師左傳彘子曰成師以
山聞敵彊而退非夫

也實先於謀帥申明號令總持紀綱宏九合之功決百

勝之畧非慎簡不可以濟事非僉屬不可以臨人集大

勳者必舉於宏綱體至公者無避於內舉左傳祁大夫
外舉不避仇

內舉不失親爰擇蕃翰晉書八王傳史臣曰
有晉鬱興載崇藩翰俾掌元戎詩小雅元

戎十乘以先啓行傳元大也夏后氏曰鉤車先正也殷曰寅車先疾也周曰元戎先良也箋云鉤擊行曲直有正也寅進也二者及元戎皆可以先啓突敵陣之前行杜預左傳注元戎兵車在前者漢書董賢傳往悉爾心統辟元戎師古注元戎大衆也言爲元戎之主而統之也開府儀同三司舒王謨唐書

地理志舒州同安郡屬淮南道續通典舒州漢皖縣屬廬江郡唐改舒州以其地古舒子之國也性稟

忠厚訓知禮樂居常樂善東觀漢記明帝詔書示諸國曰詔問東平王蒼曰處家何

等最樂對曰動不遠仁察其內恕外溫必能安人和衆爲善最樂

體方識敏諒可成功庶乎知子之明授以貞師之律易

出以律否臧凶可揚州大都督唐書地理志揚州廣陵郡大都督府屬淮南道通鑑音注揚州

漢廣陵江都之地自漢以來揚州所治不常厥邑至唐廣陵始專有揚州之名舊志揚州京師東南二千七百

五十三里至東都一千七百四十九里又文獻通考太極初并益荆揚爲四大都督府開元十七年加潞州爲五焉其餘都督定爲上中下等凡大都府置大都督一人親王爲之多遙領其任亦多爲贈官長史居府以總

其事持節充荆襄江西沔鄂等道節度使唐書方鎮表乾元二年置鄂岳

沔三州都團練守捉使治鄂州永泰元年升鄂州都團練使爲觀察使增領岳蕲黃三州荆襄江西注見制誥

五及諸軍行營兵馬都元帥餘如故仍賜名諡改封普

王嗚呼小子諛其敬聽朕命我國家之有天下百七十

載於茲矣祖宗垂化紹統功德繼茂威加殊俗惠洽普

天海隅蒼生代受亭育躋之於福壽煦之以仁和源廣

流長慶深祚遠歷數有嗣續於朕躬兢兢業業懼不負

命卷之八 六

荷虔恭寅畏歲五周星循列聖之耿光稽上古之謨訓
 一物失所是用疚心萬方有罪每懷咎已懸法皆考於
 天則舉事必酌於人謀期合大中罔循私欲而涉道猶
 淺燭理未明文闕於化成易觀乎人文以化成天下武乏於定亂亂曰武
 解克定禍刑賞失中授任乖方厚澤未均大信未著致
 使兇慝熾禍干紀亂常悖違君親蔑棄天地盜據我都
 邑痛毒我士庶驅脅丁壯暴骸於原野攘奪羸老轉死
 於溝壑忠良隕命義烈銜冤迫以兇殘莫由自奮憤深
 骨髓怨結蒼旻爾雅釋天穹蒼蒼天也春為蒼天夏為昊天秋為旻天冬為上天朕所

以中宵屢興終食三歎哀蒼生之無告閔赤子之非辜

為人父母寧忘愧悼賴三事大夫竭誠於內羣帥爪牙

宣力於外交修不逮日冀康寧江漢上游通鑑音注江

昌以下漸漸向北流蓋南紀諸山所迫坡陀之勢漸使

謂建康為江東建康謂歷陽皖城以西皆曰江西而江西亦

則禹貢之漾漢其源出於今與元之西縣嶓冢山逕洋

余房均襄郢復至漢陽入江者是也西漢源出于西和

州徽外徑階沔州與嘉陵水會又徑大安軍利劔閬果

合與涪水會至渝州入江綱目集覽游即流也謂居水
 之上建瓴制寇史記高祖紀譬猶居高屋之上建瓴水
 而翻瓴水言其巨千里之地連千萬之師保大定功宐
 向下一之勢易也

有統壹允副茲選往哉汝諧書舜典無以貴驕人無以善
 自伐無縱已之欲無拂眾之謨從諫如流改過勿吝卑
 躬降志以奉賓傅絕甘分少以撫軍師漢書司馬遷傳李陵素與士大夫絕甘分少師古注自絕旨甘而與眾人之分其少多也布誠信以歸人心明賞
 罰以盡士力詰姦誅暴懋昭乃勳敬事恤人無替朕命
 膺茲重任可不勉歟建中四年九月二十六日

馬燧渾瑊副元帥招討河中制

通鑑先是上命渾瑊駱元光討李懷

光軍于同州懷光遣其將徐庭光以精卒六千軍于春長宮以拒之瑊等數為所敗不能進時度支用度不給議者多請赦懷光上不許李懷光遣其妹婿要廷珍守晉州牙將毛朝敷守隰

州鄭杭守慈州馬燧皆遣人說下之上乃加渾瑊河中絳州節度使河中同華陝虢行營副元帥加馬燧奉誠軍晉隰慈節度使充管內諸軍行營副元帥與鎮國節度使駱元光鄜坊節度使唐朝臣合兵討懷光

天地殊位君臣異制苟不率道茲謂亂常退而增修于

是有舞干之義書舞干羽于兩階諭以遷善于是有文告之辭

左傳告之以文詞董之以武帥若猶不悛乃用致討興戎動眾豈得已

哉李懷光擢自軍候後漢百官志大將軍營五部部校尉一人軍司馬一人部下有曲曲

有軍候一人委之節制亟有勤績累加寵榮總眾駿奔自遠

赴難解圍逐寇朕甚德之位極上台寄崇總帥親之若

同體信之無閒言朕于斯人亦已厚矣而器小任重固
貽顛覆有功自弃無罪自疑古文淵鑿注時上欲親總

或謂懷光此漢祖遊雲夢之策也懷光懼反謀益甚崇信讒邪脅逐將帥養寇資

亂畜奸幸灾朕素所推誠猶謂非實優容任遇坦然如

初凶跡既盈醜跡彌露謀危社稷通結渠魁公相往來

無復忌畏窮極兇悖所不忍言通鑑綱目詔加懷光太

光對使者投鐵券于地詞氣甚悖左兵馬使張名振當

軍門大呼曰太尉視賊不擊待天使不敬果欲反耶懷

光曰我不反欲蓄銳以候時耳懷光又發卒城咸陽移

軍據之名振曰乃者言不反今不攻長安殺朱泚取富

貴而拔軍此來何耶懷光殺之懷光潛與朱泚通謀其

養子石演芬遣客詣行在告之事覺懷光召演芬責之

曰我以爾為子奈何負我演芬曰天子以太尉為股肱

太尉以演芬為腹心太尉既負天子演芬安得不負太

尉乎懷光使左右齎食之皆朕播遷巴梁遠遼陵寢謹

曰義士也以刀斷其喉而去奉天幸山南大懼失墜為列聖羞賴先澤在人兆庶知

感朔方將士忠節不渝通鑑綱目懷光遣其將孟保惠

車駕至盩厔相謂曰彼使我為不臣我以追不及報之

不過不使我將耳帥眾而東縱之剽掠由是百官從行

者皆得入駱谷以追不懷光既沮姦謀詭稱效順累陳

及還報懷光皆黜之
欵疏請詣闕廷朕深惟舊勳務欲全貸授以師保之任
唐書李懷光傳有詔以懷光為太子太保疇其井賦之
許其麾下擇功高者一人統其兵不奉詔
食璽書勞問蔡邕獨斷天子璽以玉螭虎紐古者尊卑
共之月令曰固封璽春秋左氏傳曰魯襄

公在楚季武子使公治問壘書追而與之此諸侯大夫
印稱壘者也衛宏曰秦以前民皆以金玉為印龍虎紐
唯其所好然則秦以來天子獨以誓以終始懷光遂殺
印稱壘又獨以玉郡臣莫敢用也

辱使臣完聚守保

通鑑副元帥判官高郢數勸李懷光歸欵懷光遣其子瓘詣行在謝罪請

束身歸朝詔遣孔巢父誼河中宣慰朔方將士悉復官

爵孔巢父至河中懷光素服待罪巢父不之止懷光左

右多胡人皆歎曰太尉無官矣巢父又宣言于眾曰軍

中誰可代太尉領軍者于是懷光左右發怒殺巢父懷

光亦不之止復治將以悖慢之罪加于忠義之軍謹按朔方

兵為拒守之備軍士自安史亂後最為有功推忠義軍因茲脅從冀與同惡謂眾可罔謂

天可欺覆載所不容人心所共奔討除大憝招輯非辜

爰咨輔臣以董戎寄銀青光祿大夫檢校司空同中書

門下平章事兼太原尹北都留守充河東保寧軍節度

使北平郡王馬燧

唐書方鎮表景雲二年北都長史領持節和戎大武等諸軍節度使開元

五年領天兵軍大使八年更天兵軍大使為節度使十

一年更天兵軍節度為大原府以北諸軍州節度河東

道支度營田使兼北都留守領太原及遼石嵐汾代忻

朔蔚雲九州治太原十八年更太原府以北諸州節度

為河東節度與元元年賜河東節度號保寧軍節度地

理志平州北平郡屬河北道一統志北平春秋時山戎

肥子二國地漢末為公孫度所據魏改盧龍捺業端亮

郡北燕置平州樂浪郡後魏改為北平郡前漢司馬遷傳常

器宇宏達秉難奪之節負不羈之才少負不羈之才常

持至公深識大體感激而三軍有勇彌綸而庶績允諧

威聲所臨郡邑皆復殿於北土唐書馬燧傳時天下方騷北邊數有警燧念晉

陽王業所基宜固險以示敵乃引晉水架汾而屬之隱

城瀦為東隍省守陴萬人又釀汾環城樹以固隄

若長城奉天定難功臣開府儀同三司行侍中兼靈州

大都督靈鹽豐夏等州唐書地理志豐州九原郡屬關

戎縣地隋開皇五年置豐州因鎮為名靈注見制誥五卷鹽夏注見制誥七卷節度使管內度

支營田觀察處置押蕃部落等使充朔方邠寧振武等

道唐書方鎮表大歷十四年析置河中振武邠寧三節

度朔方所領靈鹽夏豐四州西受降城定遠天德二

軍振武節度復領鎮北大都護府及銀綏二州東中二

受降城乾元二年置邠寧節度領州九邠寧慶涇原鄜

坊丹延奉天永平等軍行營節度兵馬副元帥上柱國樓

煩郡王渾瑊淳粹積中仁厚成性布寬大以容眾著誠

信以撫人事必沉詳臨危益辦節惟貞固在險逾彰宏

濟艱難懋昭勳史記高祖功臣侯年表序古者人臣

以言曰勞用力曰功明功有五品以德立宗廟定社稷曰勳

其等曰伐積日曰閱出納朕命光膺具瞻爾瞻並

文武全材安危注意史記陸賈傳天下安注副我憂屬

時惟二臣比德協謀往清多難燧可兼充奉誠軍及晉

隰磁等州節度唐書方鎮表興元元年罷京畿節度以

管內諸軍行營兵馬副元帥餘並如故城可兼河中尹

充河中絳州觀察處置等節度使仍充河中絳州同陝

嗚呼朕不敏不明失于君道連禍未息勞師靡居中心
 自咎鬱若焚灼又以朔土之衆代著忠勞橫遭汚脅深
 所憫惜爾其敬敷朕命明諭朕懷務於招綏非黷威武
國語倉葛呼曰臣聞之曰武不可
 覲文不可匿覲武無烈匿文不昭惟輸誠歸順罔有不
 赦惟執逆拒命罰止元兇寧失不經書與其殺不
 辜寧失不經無濫
 無罪列爵懸賞用俟勳賢布告遠邇咸令知悉

李晟鳳翔隴西節度兼涇原副元帥制

通鑑綱目
 李晟以涇

州傍邊屢害軍帥奏請往不用命者力田積粟
 以攘吐蕃遂以晟兼鳳翔隴右節度等使時李
 楚琳入朝晟請與俱至鳳翔斬之以懲逆亂上
 以新復京師務安反仄不許晟至鳳翔治殺張

鎰之罪斬裨將
 王斌等十餘人

周之元老以分陝爲重

詩方叔元老
 克壯其猷

漢之丞相以憂邊

見稱

前漢丙吉傳吉馭吏者酒數進蕩嘗從吉出醉歐
 丞相車上西曹主吏白欲斥之吉曰以醉飽之失

去士使此人將復何所容西曹地忍之此不過汗丞相
 車茵耳遂不去也此馭吏邊郡人習知邊塞發奔命警
 備事嘗出適見驛騎持赤白囊邊郡發奔命書馳來至
 馭吏因隨驛騎至公車刺取知虜入雲中代郡遠歸府
 見吉白狀因曰恐虜所入邊郡二千石長吏有老病不
 任兵馬者宜可豫視吉善其言召東曹案邊長吏瑣科
 條其人未已詔召丞相御史問以虜所入郡吏吉具對
 御史大夫卒遽不能詳知以得譴讓而吉見謂憂邊思
 職馭吏故方岳克寧疆場不聳安人保大致理之端今
 力也

所以重煩上台作鎮西土奉天定難功臣司徒兼中書

令充神策軍節度鄜坊丹延等州

唐書地理志丹州咸寧郡延州延安郡屬

關內道通鑑音注丹州古孟門河西之地西魏置汾州義川郡延州漢上郡膚施之地元魏之末置東夏州西

魏改曰延州觀察處置等使仍充京畿渭北鄜州華州

隋曰延安郡

唐書方鎮表上元元年置渭北鄜坊節度使治坊州大歷六年渭北鄜節度使更名

兵馬副元帥唐書方鎮表上元元年置渭北鄜坊節度使治坊州大歷六年渭北鄜節度使更名鄜州興元元年以華州置潼關節度使

王李晟勵精剛之操體博大之德適時通變而大節不

奪虛受廣納而獨斷自明奉法以身推功以下衆無犯

命人用樂從懷德畏威令行禁止

通鑑綱目晟遣兵馬使田子奇以騎兵追

泚令諸軍曰晟賴將士之力克清宮禁長安士庶久陷賊庭若小有震驚非弔民伐罪之意晟與公等室家相

見非晚五日內無得通家信大將高明曜取賊妓尚可

孤軍士取賊馬晟皆斬之軍中股栗公私安堵秋毫無

犯誓羣帥于危疑之際駐孤軍于版蕩之中

唐書李晟傳是時晟

提孤軍橫當寇鋒恐二盜合以軋之則卑詞厚幣偽致

誠于懷光者時赦屠卑要乃使張或假京兆少尹多署

吏調畿內賦不淹旬芻米告具乃陳兵下令曰國家多

難乘輿播遷見危死節自吾之分公等此時不誅元兇

取富貴非豪英也渭橋斷賊首尾吾欲與公戮

力一心建不世之功可乎士皆雪泣曰唯公命氣凌風

雲後漢二十八將論咸能誠動天地一鼓而兇徒懾北

史記注服虔曰人好陽而惡陰再駕而都邑廓清師皆

如歸人不知戰再安社稷功格皇天而明識秉彝清風

激俗雅尚恬曠撫謙有光朕以汧隴近郊括地志隴州汧源縣西六

命

卷之六

十三

十里有汧山東隣汶岫西接隴崗汧水出焉東入扶風

渭一統志隴在鳳翔府西北六十里即隴山也右地前漢注師古曰扶風在夕陰街北入故主爵府又

為右扶風三輔黃圖扶風言扶助天子風川阜連巨爾雅

化唐書地理志鳳翔府扶風郡屬關內道釋地大陸曰阜抵於回中史記匈奴傳使奇兵入燒回

說文巨竟也武帝作宮正義曰括地志云秦回中宮在岐州雍縣西

四十里即匈奴所燒者也一統志回中宮在鳳翔府隴

州西北一百四十里秦所建也漢文帝時匈奴入蕭關燒回中宮謂此限界諸夷蕃屏王

室所屬誠重付之元臣兼二將之甲兵謹按晟鳳隴節

度崇十連之元帥禮記十國以宣威耀武罷警息兵俾

予仰成時乃丕烈可兼鳳翔尹充鳳翔隴右節度營田

觀察處置等使唐書百官志西都東都北都鳳翔成都

品方鎮表至德元載置京畿節度使領京兆同岐金商

五州是年以鳳翔同州隸河中開元五年置隴右節度

亦曰隴西節度兼隴右道經畧大使領秦河仍充鳳翔

渭鄯蘭臨武洮岷廓豐巖十二州治鄯州

隴右涇原節度唐書方鎮表大歷三年管內諸軍及四

鎮北庭謹按舊史貞觀十四年平高昌以其地置西州

建安西都護府撫寧西域統龜茲于闐外焉耆

踈勒四國故謂之四鎮一統志高昌本漢時車師前後

王地前王治蒲類縣去長安八千九百里貞觀中平高

昌以其地置西州及都督府開元中改金山都護府天

蕃于吐

地與高昌相影響及高昌平懼而來降以其地置庭州

領金滿蒲類淪臺三縣長安初置北庭都護府後俱陷

蕃于吐

行營兵馬副元帥改封西平郡王

唐書地理志鄯

州西平郡下都

蕃于吐

行營兵馬副元帥改封西平郡王

唐書地理志鄯

州西平郡下都

蕃于吐

行營兵馬副元帥改封西平郡王

唐書地理志鄯

州西平郡下都

蕃于吐

行營兵馬副元帥改封西平郡王

唐書地理志鄯

州西平郡下都

蕃于吐

行營兵馬副元帥改封西平郡王

唐書地理志鄯

州西平郡下都

蕃于吐

督府屬 隴右道 功臣本官兼官如故

劉洽檢校司空充諸道兵馬都統制

唐書劉元佐傳希烈攻陳

州元佐救之希烈走遂進取汴州詔加汴宋節度使陳州諸軍行營都統元佐本名洽至是賜

名以尊寵之

論道經邦允歸碩望建牙統衆

水鏡經凡軍初出立牙竿必令完堅若有折損

將軍不利牙門旂將軍之精也南部新書近代通謂公庭為公衙即古之公朝也字本作牙詩曰祈父子王之

爪牙祈父司馬掌武備象獸以爪牙為衛故軍前大旂謂之牙旂出師而有建牙禡牙之事軍中聽號令必至

牙旂之下與府朝無異近俗尚武是以通呼公府門為牙門字訛變轉為衙

必籍雄才中外

具瞻安危注意今以二柄付之元臣開府儀同三司檢

校尚書左僕射同中書門下平章事持節宋州諸軍事

兼宋州刺史 唐書地理志宋州睢陽郡屬河南道通典

剋殷以封微子 啟是為宋國 宋州高辛氏子閔伯所居商邱也周武王

處置等使 唐書方鎮表建中二年置宋毫潁節度使治

潁州汝陰郡屬河南道續通典亳州春秋為東國之譙

邑後周武帝置亳州遙取古南毫之名以名州通典潁

州春秋時 胡子國也 仍權知汴滑宋毫等州都統兵馬事懷德郡

王劉洽 唐書地理志滑州靈昌郡屬河南道寶州懷德

郡屬嶺南道通鑑音注滑州治白馬春秋衛之

滑臺為名也通典寶州秦屬南海郡二漢屬蒼梧郡唐

武德五年置南扶州貞觀八年改為 秉志端亮飭躬簡

儉博厚足以容衆和易足以長人純孝榮親唐書劉元佐傳

貴母尚在賢婦人也常月織絕一端示不忘本數教救元佐盡臣節見縣令走廷中白事退戒曰長吏恐懼卑甚吾思而父吏于縣亦當爾而據案當

之可安乎元佐感悟故待下益加禮盡忠事國分我

闕寄殿于大藩扼制淮夷書淮夷蠙珠暨魚詩保障楚

甸唐書劉元佐傳李希烈之反元佐與李勉陳少遊哥舒曜聯兵屯淮汝數困賊戎捷繼至軍

聲再揚殪羣兇於宛唐書地理志宛屬陳州史記周本紀正義注括地志云陳州宛

宛上縣在陳城中即古陳國也通鑑音注驅大憝於梁

野控引漕輓委輸京師史記平準書置平準於京師都受天下委輸唐書劉元佐傳時

李納叛李洧以徐州歸納急攻之詔元佐援予嘉乃勳

洧大破納兵斬首萬餘級東南饒漕乃通

懋乃貞節用錫丕命俾揚洪休燮贊三台周禮春官大

祀司中司命注司中三能三階也音義能他來反疏武

陵太守星傳云三台一名天柱上台司命為太尉中台

司中為司徒下紀綱羣帥式是大任爾惟欽哉可檢校

司空同中書門下平章事依前宣武軍節度使度支營

田宋亳等州觀察處置等使仍充宋亳潁等州管內諸

軍兵馬都統散官勳封如故

唐陸宣公翰苑集卷第九

山右張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

渾城京畿金商節度使制

唐書渾城傳帝狩奉天城率家人子弟以從授

行在都虞侯京畿渭北節度使方鎮表建中四年置京畿渭南節度觀察使領金商二州

王者之制安不忘危宏其道則文武齊致教其人則農

戰兼務

前漢東方朔傳朔上書陳農戰疆國之計北史崔鴻傳農戰兼脩埽清氛穢

故雖縣

內禮記天子之縣內注縣內夏時天子所居州界名也殷曰畿詩殷頌曰邦畿千里維民所止周亦曰畿

不可去兵况密邇寇虞干紀稔慝都邑郊甸騷然靡寧

聿求信臣特建戎號濟人夷難允屬勳賢

後漢二十八將論授受惟

庸勳賢

皆序京畿渭北節度使

通鑑唐肅宗上元元年黨項等羗吞噬邊鄙將逼京畿乃

分邠寧等州節度為鄜坊丹延節度亦謂之渭北節度音注邠寧節度領州九分四州為渭北節度

兵部

尚書行在左都虞候

左昭二十年傳藪之薪蒸虞候守之隋書百官志太子左右虞候各

置開府一人掌斥候伺非從七品煬帝三年太子左右虞候開府改為左右虞候率正四品唐書百官志外官

中軍都虞候一人又兵志魚朝恩以觀軍容宣慰使知

神策軍兵馬使又用愛將劉希暹為神策虞候主不法

通鑑音注隋文帝于東宮置左右虞候府掌斥候是後州鎮各置虞候以為衙前之職以備候不虞名官

渾瑊忠貞博厚溫恭簡肅持重不撓好謀而成居業克敦

其詩書

左傳僖二十七年晉侯蒐于被廬作三軍謀元帥趙衰曰卻縠可臣亟聞其言矣說禮樂而敦

詩受賜每陳於廊廡

前漢竇嬰傳所賜金陳廊廡下軍士過輒令財取為用金無入家者

師古注廊堂下周屋也廡門屋也

能推誠而撫下不伐已以拒人委任

中外咸著聲績夷險一貫隱然殿邦朕越在郊坰偏於

兇醜授之師律式是戎昭

左傳戎昭果毅以聽之謂禮疏昭明也兵戎之事明此

果毅以侍衛增嚴斥候無爽

左傳納斥候史記李廣傳注索隱曰斥度候視也望

也檢身齊衆同士伍之勞苦敦陣整旅壯行列之威容
靜以伐謀動而制勝臨危勵節予有賴焉王圻之內沃

壤千里緜亘商嶺

通鑑音注商嶺即商山也所謂繞雷七盤是也貞元七年刺史李西華患

此路之險自藍田至內鄉開新道七百餘里迴山取塗人不病涉謂之偏路行旅便之杜佑曰七盤即王莽所謂繞雷之固南當荆楚者也繞雷者言四面塞阨屈曲水回繞而雷今謂之七盤十二緜屏於南門

觀風靖人詰禁誅暴俾爾兼領用孚於休可京畿渭北

渭南金商節度觀察處置等使餘並如故

唐書地理志金州漢陰郡

屬山南道商注見前制誥四卷

杜亞淮南節度使制

淮海奧區一方都會

禹貢淮海惟揚州通鑑音注揚州江淮之都會也轉運鹽鐵使及度

支之貨財聚焉兼水陸漕輓之利有澤漁山伐之饒

前漢地理志江南地

廣或火耕水耨民食魚稻以漁獵山伐爲業

俗具五方地綿千里聿求良牧

豈易其才今又革車方興軍賦屢調體於寬大則事缺

務於辦集則人殘自非剛柔適中文武兼備其何以副

我憂屬惠綏南方正議大夫

唐書百官志正四品上曰正議大夫

大夫隋散官蓋取秦大夫掌議論之義唐因之

行尚書刑部侍郎上柱國扶風

縣開國男杜亞

唐書地理志扶風縣本漳川武德三年析岐山置以漳水名之屬鳳翔府關內

道識精體要學究宗派妙於用而有常通其變而能久

為理敦教化之本立言參禮法之中道無緇磷行有枝

葉禮記天下有道則行有枝葉回翔省闈九歌君回翔兮以下洪興

祖注同翔猶翱翔也漢書谷永傳臣思慕之心常存于

省闈蔡邕獨斷天子所居曰禁中後曰省中孝元皇后

父名禁當表彌綸獻納之勤踐歷方州著清淨循良之

時避之稱其嚴重可以鎮俗晉書郭璞傳倚清靖以鎮俗其才術可以匡時

休有令聞輝映朝列朕以東南思又注意求賢爰輟名

臣俾寧藩服注見制詰二卷九服往率厥職時惟欽哉可揚州大

都督府長史兼御史大夫充淮南節度觀察處置等使

虔王申光隨蔡等州節度使制唐書十一宗諸子傳虔王諒以王拜

開府儀同三司貞元二年領蔡州節度大使以

吳少誠為畱後方鎮表大歷十四年淮西節度

使復治蔡州是年賜號淮寧軍

自昔哲王疆理天下必選其明德詩我疆我理左傳昔武王克商成王定之

選建明德樹之宗親叅制藩維夾輔王室左傳四年齊侯以諸侯之

師伐楚管仲曰昔召康公命我先君太公曰五侯九百

汝實征之以夾輔周室後漢書光武紀周封八百同姓

諸姬並為建國夾輔王室尊事天子賢戚並建庚信樂府多士歸賢戚維

時惟休哉長淮之西水經淮水出南陽平氏縣胎簪山

入于海厥壤千里人靡寧息于茲有年朕其未懷慘若焚

其在於茲開府儀同三司虔王諒唐書地理志虔州南康郡屬江南道性

本溫恭生知忠孝祇服訓導躬行不渝言皆副誠事必

求當端慎可以鎮俗寬厚可以長人易君子體仁足以長人底綏

一方庶允憂屬可申光隨蔡等州節度副大使管內觀

察處置等使餘如故唐書地理志申州義陽郡光州弋陽郡屬淮南道隨州漢東郡屬山

南道蔡州汝南郡屬河南道續通典申州春秋之申國

魏文帝立義陽郡周武帝改為申州光州春秋弦國魏

置弋陽郡梁末于光城置光州文獻通考隨州春秋隨

侯之國秦二漢並屬南陽郡西魏置并州後改曰隨州

蔡州春秋時沈蔡二國之地漢置汝南郡唐為豫州寶應元年更名蔡州

唐朝臣振武節度論惟明鄜坊觀察使制

分命使臣統臨方岳弛張之道蓋亦從宜近甸無虞則

但廉風俗邊陲式遏詩式遏寇虐則兼假旌旄周禮春官司

物名全羽為旒析羽為旌注全羽析羽皆五采繫之于

旒旌之上所謂注旒於干首也爾雅釋天注旒首曰旌

按周禮序官夏采注夏采夏翟羽色禹貢徐州貢夏翟

之羽有虞氏以為綏後世或無故染鳥羽象而用之謂

之夏采其本職注云以旒牛尾為之綴于幢上所謂注

旒于干首者公彥案鍾氏染鳥羽以為王后之車飾亦

為旌旗之綏則旌旗亦有鳥羽獨云旒牛尾舉一邊而

言其實兼有又爾雅疏亦謂竿之首有旒有羽也唐書

百官志都統總諸道兵馬不賜旌節節度使總軍旅顯

誅殺初授詣兵部辭見辭日賜雙旌節行則建節樹六

纛名制雖殊委任俱重膺是選命莫非勳賢開府儀同

三司檢校兵部尚書兼鄜州刺史鄜坊丹延等州節度

使

觀察處置等使平樂郡王

唐書地理志昭州平樂郡屬嶺南道通典昭州秦桂林郡

地二漢屬蒼梧郡唐武德四年置樂州貞觀八年改為昭州

唐朝臣嘗總偏師遘於

多難仗義率眾臨危不迴保全關衝抗絕兇逆

通鑑綱目先是

李納遣其將王濫會魏博兵共攻徐州李洧遣王智興

諸闕告急智興善走不五日而至詔朔方大將唐朝臣

將兵五千人與宣武劉洽神策兵馬使曲環滑州李澄

共救之時朔軍資裝不至旗服弊惡宣武人嗤之曰乞

子能破賊乎朝臣以其言激怒士卒且曰都統有令先

破賊者營中物悉與之士皆爭奮青魏兵大潰洽等乘

之斬首八千級溺死過半朔方軍士盡得其輜重旗服

鮮華乃謂宣武人曰乞子之功孰與宋多乘勝逐北至

徐州城下青魏兵解圍走江淮漕運始通守而能固出則有功每急病而攘

夷嘗以寡而敵眾竟殲大憝克集茂勲炳然貞心堅若

金石洎師旋歸按俗頒條軍旅慰安流庸悅附奉天定

難功臣開府儀同三司檢校工部尚書兼左金吾衛大

將軍充右街使上柱國建康郡王論惟明釋位勤王有

赴難之節扞城禦寇有持危之功奉主忘身棄家從國

越自郊甸再踰巴梁

常璩華陽國志獻帝初平元年益州牧劉璋以墊江以土為巴郡江南龐羲為太守治安漢以江州至臨江為永寧郡胸忍至魚復為固陵郡建安六年璋復改永寧為巴郡以固陵為巴東徙羲為巴西太守是謂三巴舊唐書地理志渝州巴縣漢曰巴州古巴子國也險阻艱難靡不陪扈忠義所在生死以之久司禁戎益茂勳績器質敦實識度寬敏通明吏職練達武經本之以純良輔

之以才術俾居藩翰僉謂汝諧朕以北控單于國之巨

鎮史記匈奴傳注漢書音義曰單于者廣大之貌言其

操黎孤塗單于然索隱曰按單于姓孛鞞氏其國稱之曰

黎孤塗單于通典麟德元年改雲中都護府為單于大

都護府領縣一金河有長城有金河李陵臺王昭君墓

舊唐書突厥傳車鼻既破之後突厥盡為封疆之臣于

是分置單于瀚海二都護單于都護領狼山雲中桑乾

三都督蘇農等二十四州新唐書積以北蕃州悉隸瀚

海南隸雲中雲中者義成公主所居也頡利滅李靖徙

突厥羸破數百帳居之以阿史德為之長眾稍盛即建

言願以諸王為可汗遙統之帝曰今可汗古單于也乃

改雲中府為單于大都護府以殷王旭輪為單于都護

通鑑注宋白曰唐振武軍舊單于都護府即漢定襄郡

之盛樂縣也在山陰之陽黃河之北後魏所都盛樂是

也唐平突厥于此置雲中都督府後改為單于大都護

府唐書地理志唐之盛時開元天寶之際東至安東西

至安西南至日彼方戎帥沉痾是嬰卧護邊軍已淹寒

南北至單于府暑憫其盡瘁難以重煩爰咨信臣更踐厥職朝臣可依

前檢校兵部尚書兼單于大都護唐書地理志單于大

府龍朔三年置麟德元年更名通典漢宣帝地節二年

初置西域都護為加官也或以騎都尉諫議大夫使護

西域三十六國有副校尉始以鄭吉為之後廢至後漢

永平十七年復置晉宋以後有都護之官亦其任也唐

永徽中始于邊方置安東安西安南安北四大都護府

後又加單于北庭都護府府置都護一人副都護二人

長史司馬御史大夫充振武綏銀鄜勝等州節度營田

各一人唐書地理志綏州上郡勝州榆林

處置押兵藩落等使唐書地理志綏州上郡勝州榆林

郡屬關內道通典綏州春秋白翟

之地秦為上郡西魏置安寧郡惟明可依前檢校工部

兼置綏州鄜銀注見制誥七卷

卷之九

七

希音堂

希音堂

希音堂

希音堂

希音堂

尚書兼鄜州刺史御史大夫充鄜坊丹延等都防禦觀
察處置等使餘並如故

韓滉加檢校右僕射制

唐書韓滉傳帝在奉天淮
汴震騷滉訓士卒分兵戍

河南既狩梁州又獻縑十萬匹請以鎮兵三
萬助討賊有詔嘉勞進檢校尚書右僕射

周制以輔翼之臣出作方伯

禮王制千里之外設方伯
五國以為屬屬有長十國

以為連連有帥三十國以為卒卒有正二百一十國以
為州州有伯八州八伯五十六正百六十八帥三百三
十六長八伯各以其屬屬於天子之老二人分天下以
為左右曰二伯注老謂上公周禮曰九命作伯春秋傳
曰自陝以東周公主之
自陝以西召公主之漢官以牧守之最擢拜公卿其

在匡時中外同體朕以大勞未又勤卹于黎元多難薦

興注意于藩岳就加命服式寵能賢則增秩進律亦古

之道也金紫光祿大夫檢校吏部尚書使持節潤州諸

軍使兼潤州刺史御史大夫充鎮江軍浙江東西節度

觀察等使韓滉忠肅剛直清公簡儉持至公以檢下強

禦必繩

詩不畏疆禦疏不畏懼于疆梁禦善之人
公羊傳莊十二年仇牧可謂不畏強禦矣

秉大

節以事君險艱無易惠能恤衆明足照姦歲發勤王之

師日增贍國之賦軍無撓敗俗以阜康殿於大邦理平

訟息朝有勸典昭升乃庸胙土以報勤

左傳天子建德
因生以賜姓胙

之士而命之氏後漢光武十
王傳贊光武十子胙土分王懋官以旌德底又江甸永

孚於休可檢校尚書右僕射進封昌黎縣開國公餘如

故顧炎武日知錄云昌黎有五魏併柳城昌黎棘城于龍城而立昌黎郡如韓麒麟韓秀谷渾孫紹之倫皆

昌黎人即燕之舊都龍城此一昌黎也韓文公多自稱

昌黎唐書載韓氏世系則云世居潁川與昌黎之韓支

派各別先儒以為公之自稱本其郡望宋元豐七年封

公為昌黎伯亦是取其本望如韓長鸞韓建封昌黎王

韓擇木封昌黎伯韓渥封昌黎男之比今按韓

澠京兆長安人封昌黎縣公蓋亦本其郡望

嘉王代宗橫海軍節度使制唐書地理志分注滄州西南有橫海軍開

元十四年置方鎮表貞元三年置橫

海軍節度使領滄景二州治滄州

度土分疆王制司空執度地居民周禮大司徒以天

其山林川澤邱陵墳衍原隰之名物而辨其邦國都鄙

之數制其畿疆而溝封之漢書敘傳分州域物土疆

設官蒞事因時設制期在理安必順物宜且從人欲版

圖既溢則疏邑以制州統攝或乖則分部而建長周禮

乃施則于都鄙而沿革之道亦何常哉滄海之隅地饒俗阜

隱然北土實曰雄藩鎮撫之宜是資懿戚魏書南安王

之貴作鎮關右開府儀同三司嘉王運唐書地理志嘉州犍為

嘉州漢南安縣地梁武帝開通外徼立青州取青衣以

為名西魏改為眉州取峩眉山以為名後周改曰嘉州

氣本元淳重承先訓忠肅孝友寬仁惠和勤於服儒禮

魯哀公問于孔子曰

夫子之服其儒服與

樂在為善施於事任必有可觀舉

不失親至公斯在欽率厥職永孚於休可橫海軍節度

記

使滄景等州觀察處置等使勳封如故

綱目集覽橫海藩鎮有州四曰

滄景德棣唐書地理志滄州景城郡景州貞元三年析滄州之弓高東光臨津置屬河北道續通典滄州禹疏九河在此州界漢置勃海郡後魏置滄州景州漢平原郡鬲縣地隋置弓高縣屬觀州唐分弓高置景州

馬燧李臯實封制

唐六典魏氏五等皆以鄉亭多假空名不食本邑隋氏始立王

公侯以下制度至唐因之率多虛名其言食實封者乃得真戶舊制皆三丁已上一分入國開

元中定以三丁為限租賦全入封家

列爵以旌德

書列爵惟五

胙土以報功國有彝章是用褒勸

朕以不德間逢多虞蒲坂有叛亂之臣

李懷光

淮沂有僭

逆之帥

李希烈

萬姓惟害四方靡寧奉誠軍節度兵馬元

帥檢校司徒兼侍中馬燧聞難之初忠誠奮發躬率士

旅討茲不庭略地如歸攻城必克晉絳磁隰

唐書地理志晉州平

陽郡絳州絳郡磁州文成郡隰州大寧郡屬河東道通鑑音注晉州後魏真君四年置東雍州孝昌中改為唐

州建義元年又改為晉州宋白曰慈州春秋臈咎如之國唐武德元年為西汾州孫愐曰因慈氏縣名之隰州

隋龍泉郡之地左傳曰重耳居蒲即隰川縣故蒲城是也爾雅曰下濕曰隰以州帶泉汨下隰故以隰名絳注

見制誥

靡然向風

唐書馬燧傳時賊黨要廷珍守晉毛朝燧守隰鄭抗守磁燧移檄鐫諭皆

以州降乃率步騎三萬次于絳畧定諸縣降其將馮萬

興任象玉遂圍絳拔外郭守將夜棄城去降四千人遣李自良定六縣降其將辛旒收卒五千裨將谷秀違令

掠士女斬以狗與賊戰寶鼎射殺賊將徐伯文斬首萬

級獲馬五百元兇勢窮竟就梟戮清我甸服

書五百里甸服疏引鄭康成說

服治田出穀稅也言旬時惟茂勳荆南節度觀察處置

者主治田故服名旬也唐書宗室世系表臯嗣

等使檢校戶部尚書嗣曹王臯王右衛率府中郎將戢

之子出親率全軍抗于強虜晝夜不息迨于三年謀成

必臧師出皆捷復蘄黃之地唐書太宗九王傳賊柵蔡

引兵艦循崖沂江上賊聞以羸師保柵悉軍行江北與

臯直西去蔡山三百里臯遣步士悉登舟順流下攻蔡

山拔之聞一日賊救至遂大敗乃取蘄州降其將李良

平黃州兵益振唐書地理志蘄州蘄春郡黃州齊安郡

屬淮拔安陸之城唐書太宗九王傳遣伊慎王錡攻安

南道州未下希烈遣劉戒虛以步騎八千

援之臯命李伯潛迎擊于應山俘之遂下安州斬偽

刺史王嘉祥唐書地理志安州安陸郡屬淮南道

其威名保又江漢並著節於國存功於人跡效炳然僉

議攸屬雖懋官已序而食賦未加疇庸之科無乃有闕

宜其寵錫以答殊休燧可賜實封五百戶通前七百戶

謹按燧前平李懷臯可賜實封三百戶

韓滉度支鹽鐵轉運使制通鑑綱目諸使之職行

改法事多不集及元琇失職造遂憂懼成疾不

視事既而江淮運米大至上嘉韓滉之功以滉

兼度支轉運等使造所條奏皆改之

食貨所資邦家大本總領之重必推元臣故周以冢宰

制國用禮記冢宰制國用必以歲之杪五穀皆入然後

制國用用地小大視年之豐耗以三十年之通

入以為出漢以丞相調軍食史記蕭相國世家何以丞

給軍官給人足謂之善經今戶口凋傷財產衰耗邊疆

未靖役費尚多思欲均厚澤之征權重輕之制國無匱

乏人不怨咨書夏暑雨小民惟日怨咨冬祈寒小民亦惟日怨咨運籌佐時其在

良輔魏志高柔傳明王聖主任臣于上賢相良輔股肱于下金紫光祿大夫檢校

尚書左僕射同中書門下平章事充鎮海軍浙江東西

節度兼江淮轉運等使晉國公韓滉唐書地理志晉州平陽郡屬河東道

昔事先朝常掌邦賦通鑑綱目代宗大歷六年貞心獨

立一志在公吏無姦欺財以饒羨通鑑綱目自兵興以

庫出入無法國用虛耗滉為人廉勤精于簿領作賦歛

出入之法御下嚴急吏不敢欺亦值連歲豐穰邊境無

寇自是倉庫蓄積始充自臨江甸事舉風行職貢有加轉餉相繼

成功允集艱食用康介于方隅未極材術宜其宏濟式

副具瞻可充度支及諸道鹽鐵轉運等使餘如故通鑑音注

唐制戶部度支以本司郎中侍郎判其事又置鹽鐵轉運使其後用兵以國計為重遂以宰相領其職

李叔明右僕射制通鑑代宗大歷十二年八月癸未賜東川節度使鮮于叔明姓

李氏

行止兩全必惟明哲致其用以匡國敦乎道以保身周

旋令名禮記將為善思貽父母令名必果左傳始終不

替斯賢者極致而行之實難金紫光祿大夫守太子少

傅唐書百官志太子少師少傅少保各一人從二品掌曉三師德行以諭皇太子奉太子以觀三師之道德

檢校尚書右僕射持節梓州唐書地理志梓州梓潼郡屬劍南道元和郡國志梓

州今為東川節度使治所續諸軍事兼梓州刺史御史

大夫充劍南東川節度副大使唐書方鎮表至德二載置劍南東川節度使領

梓遂綿劍龍閬普陵瀘榮資簡十二州治梓州一統志東川即漢之梓州也唐乾元中于州治置東川節度

知節度事管内度支觀察處置等使蘇國公唐書地理志蘇州吳

郡屬江南道李叔明稟粹挺生鬱為邦傑虛懷朗暢達識周

通早以器能累更任遇中外所踐必聞休聲嘗尹京師

姦豪屏息唐書李叔明傳遷京兆尹長安歌曰前泊臨尹赫赫具瞻充若後尹熙熙具瞻允斯

方岳風俗澄清吏服嚴明人懷德惠憂公奉職勵節存

誠服勞王家行及三紀以茲盡瘁沉恙所嬰爾雅釋詁恙憂也風

俗通恙噬蟲能食人心古者草居多被此毒故相問勞曰無恙扶疾趨朝唐書李叔明傳後朝京師

以病足賜錦輦令宦士肩舁以見披誠告老固陳衰瘵深戒滿盈情皆

發表語且形泣視其激切前漢賈山傳其言多激切善指事意良所軫懷

敦勸既頻辭乞彌固繼獻章疏期於必從省之憮然用

增感嘆雖惜其舊德往泣遐藩而憫以高年難違懇志

猶資碩望俾長庶寮罷方鎮之煩總中臺之重唐書百官志分

注龍朔二年改尚書省曰中臺尚書曰太常伯侍郎曰少常伯光宅元年改尚書省曰文昌臺俄曰文昌都省

垂拱元年日都臺式彰尚德且示優賢可依前守太子
長安三年日中臺少傅兼尚書右僕射

李澄贈司空制

既明且哲以保其身詩太雅蒸民篇求之昔賢鮮克全備良以

謀始匪易慎終尤難其有志奉公家力輔王室見危而

立節將沒而陳誠操尚堅明謀猷深遠憂國無忘于顛

沛周身不離于令名有臣如斯可以旌勸故義成軍節

度滑鄭等州觀察處置等使唐書方鎮表上元二年置滑衛節度使治滑州領州

六滑衛相魏德貝廣德元年增領亳州更號滑亳節度大歷七年為永平節度建中二年增領鄭州貞元元年

更號義成軍節度唐書地理志鄭州開府儀同三司檢

校尚書右僕射兼滑州刺史御史大夫上柱國武威郡

王唐書地理志涼州武威郡中都督府屬隴右道一統志武威漢之郡名治姑臧縣唐初為李軌所據尋克

平之置涼州天寶初改武威郡李澄天授將材勇而多智臨危不懼見

義必為崎嶇險艱勳節兼著唐書李澄傳李希烈陷汴

書令節度永平軍興元元年澄遣盧融間道奉表詣行

在德宗嘉之署帛詔內密丸授澄刑部尚書汴滑節度

使澄未即宣乃先勒訓士馬希烈疑以養子六百戍之

賊急攻寧陵邀澄至石柱澄密令焚營為驚遁者養子
輩果乘以剽掠澄盡斬之以告希烈不能詰賊遣將翟
崇暉率精兵寇陳州未還汴軍寡澄度不能制已又中
官薛盈珍持節至封澄武威郡勤於廣業曾未遑安帶
王賜實封乃燔賊旗節自歸

甲臨戎連年野處積勞成瘁霜露所侵疇疾攻中

周禮天官

疾醫春時有疇首疾注疇酸痛削也首疾頭痛也疏頭痛之外別有酸痛削之痛也酸嘶也

癰疽外發

後漢律歷志驚蟄晷長八尺二寸未當至而至多病癰疽脰腫

迨茲病亟不替忠誠憂

國疚懷戀闕流涕

莊子身在江海之上心居魏闕之下

懼軍戎之乏帥念

方鎮以為虞上表披陳懇求代免辭情激切備慮精深

視之感傷當宁與歎雖史魚之陳尸納諫

韓詩外傳昔衛大夫史魚

病且死謂其子曰我數言遠伯玉之賢而不能進彌子瑕不肖而不能退死不當治喪正堂殯我于室足矣子

以父言聞君造然召遠伯玉而貴之而退彌子瑕

吳漢之在疚獻謀

後漢吳漢傳漢病篤

車駕親臨問所欲言對曰臣愚無所知識願陛下慎無赦而已

比方於此不足多尚天

胡不容奪我良帥惻然嗟悼用切深衷始終存義澄實

有之褒美飾終是宜加等可贈司空賜物五百段米粟

三百石以左散騎常侍歸崇敬充使弔祭所緣喪葬並

准式官供仍以澄讓表宣付史館以彰忠節

除鄧州歸順官制

鄧注見前制詔七卷南陽

迫以兇威陷于寇境義不受汚忠能奮誠履重險而不

迴處疾風而逾勁

唐太宗詩疾風知勁草

忘軀狗義獻欵投誠足

以勵彼勤王激其汚俗去逆效順固先典之攸嘉懋賞

勤功驗彝章而不昧威從序用俾服官常

周禮天官太宰以八法治

官府四曰官常以聽官治注官常謂各可依前件云云

李納檢校司空制

鄭武公父子繼為周司徒

史記鄭世家鄭桓公友者周厲王少子而宣王庶弟也宣

王立二十二年友初封于鄭封三十三歲百姓皆便愛之幽王以為司徒和集周民周民皆悅河維之間人便思之二歲犬戎殺幽王于驪山下并殺桓公鄭人共立其子掘突是為武公

內居股肱外作

藩翰詩美緇衣之德傳稱夾輔之勳我懷斯人今得良

弼開府儀同三司檢校尚書右僕射同中書門下平章

事充平盧淄青節度管內度支營田觀察處置陸運海

運顧炎武日知錄唐時海運之事不詳于史蓋柳城陷沒之後至開元之初新立治所乃轉東南之粟以餉

之耳及其樹藝已成則不復資于轉運非若元時以此為匠制也舊唐書宋慶禮傳張九齡駁謚議曰營州鎮彼戎夷扼喉斷臂逆則制其死命順則為其主人是稱樂都其來尚矣往緣趙駒作牧馭之非才自經墮廢便長寇孽大明臨下聖謀獨斷恢祖宗之舊復大禹之迹以數千之役徒無甲兵之強衛指期遂往稟命而行於是量畚築執磬鼓親總其役不愆所慮俾柳城為金湯之險林胡生腹心之疾尋而罷海運收歲儲邊庭晏然河朔無擾與夫興師之費轉運之勞較其優劣孰為利害此罷海之一證謹按食貨志唐漕運分水運陸運海運疑即押新羅唐書東夷列傳新羅弁韓苗裔也居漢南日本西百濟南瀕海北高麗而王居金城環八里所衛兵三千人謂城為侵牟羅邑在內曰喙評外曰邑勒有喙評六邑勒五十二武德四年王真平遣使者入朝高祖詔通直散騎侍郎庾文素持節答賚後三年拜柱國封樂浪郡王新羅王通典新羅國魏時新盧國焉其先本辰韓種也辰韓始有六國稍分為十二新羅則其

一也其國在百濟東南渤海唐書北狄列傳渤海本粟
 五百餘里東濱大海末靺鞨附高麗者姓大氏
 高麗滅率眾保挹婁之東年山地直營州東二千里南
 北新羅以泥河為境萬歲通天中契丹盡忠殺營州都
 督趙翹反有舍利乞乞仲象者與靺鞨會乞四比羽及
 高麗餘種東走度遼水保太白山之東北阻與婁河樹
 壁自固武后封乞四比羽為許國公乞乞仲象為震國
 公赦其罪比羽不受命后詔王鈐衛大將軍李楷固中
 郎將索仇擊斬之是時仲象已死其子祚榮因高麗靺
 鞨兵拒楷固楷固敗還祚榮即并比羽之眾恃荒遠乃
 建國自號震國王盡得扶餘沃沮弁韓朝鮮海北諸國
 中宗時使侍御史張行茂招慰祚榮遣子入侍睿宗先
 天中遣使拜祚榮為左驍衛大將軍渤海郡王以所總
 為忽汗州領忽汗州都督自是始去靺鞨專稱渤海
 兩蕃等使隴西郡王李納字量宏博質性沉毅體仁能
 斷見善必遷蘊非常之才守以純一秉難奪之節著于

艱危昭升令聞

書爾惟踐脩厥猷舊有令聞詩如珪如璋令聞令望

茂建勳績屬

淮夷構亂東夏震騷奮旅徂征坐籌制勝解商邱之難

攘彼兇殘釋陳城之危俘厥渠帥德功克懋官賞宜崇

庸建上台宐賜真食惟乃先服勤勞王家以殿邦之勳

參論道之職

唐書宰相表大歷十四年六月己亥平盧淄青節度使檢校司空同平章事李正己

為司徒俾爾嗣績光於前人荷國之寵章承家之不構敬

慎厥德永孚於休可檢校司空同中書門下平章事仍

賜實封五百戶餘並如故

唐陸宣公翰苑集卷第十

山右張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

賜李納王武俊等鐵券文

漢書高帝紀高祖與功臣剖符作誓丹書鐵券

維興元元年歲次甲子正月癸酉朔二日甲戌皇帝咨

爾某官某嗚呼王者所以撫人失於所撫則叛下者所以奉上失於所奉則刑各當其理德用不擾各違其分亂於是生朕德薄化淺昧於君道罔知省已姑務責人是以徵師徂征連歲靡息惟爾以誠志之不違反仄於厥衷阻衆興戎結黨拒命豈非上失於所撫而下失於所奉歟書曰萬方有罪罪在朕躬我實不德兆人何咎俾廢其生業離於室家陷於困窮死於戰陣老疾廢養孤惇靡依怨結倉生感傷和氣朕爲人父母得不愧於心哉晨興以思夕惕以悼

前漢宣帝紀詔曰反側晨興念慮萬方易君子終日乾乾

夕惕若

自嗣位迄今六載天將悔禍朕方覺悟爾亦知衆

心之厭亂思所以保安叶於朕懷若應符契非天地合德人神合謀將茂育羣生則何以臻此朕是用上順天意俯從人心滌爾疵瑕復爾爵位坦然靡阻君臣如初功載鼎彝

張衡東京賦銘勳彝器歷世彌光注彝常也宗廟之器稱彝勒銘於宗廟之器於鐘鼎萬

祀彌益光明

名藏王府子孫代代爲國勳臣河山帶礪傳祚

無絕朕方布大信承天子人若食其言何以享國嗚呼其祇若命用保無疆之休

賜安西管內黃姓燾官鐵券文

唐書地理志安西大都護府初治西

州顯慶二年平賀魯析其地置濛池崑陵二都
 護府分種落列置州縣西盡波斯國皆隸安西
 又徙治高昌故地三年徙治龜茲都督府而故
 府復為西州咸亨元年吐蕃陷都護府長壽二
 年收復安西四鎮至德元載更名鎮西後復為
 安西吐蕃既侵河隴惟李元忠守北庭郭昕守
 安西與沙陀回紇相依吐蕃攻之久不下建中
 二年元忠斫遣使閒道入奏詔各以為大都護
 並為節度貞元三年吐蕃攻沙陀回紇北庭安
 西無援遂陷集韻阜燾軍中大旗也二儀實錄
 燾阜繪為之首
 似虫尤之首

維貞元二年歲次丙寅八月丁巳朔三日己未皇帝若

曰咨爾四鎮節度管內黃姓燾官驃騎大將軍唐書方

元二十九年安西四鎮節度治安西都護府又百官志
 從一品曰驃騎大將軍通典漢武帝元狩二年始用霍

去病為驃騎將軍定令驃騎將軍秩祿與大將軍等
 隋開皇中置驃騎將軍府每府置驃騎將軍騎將軍各
 二人唐改為車騎驃騎其制如開皇後皆省
 之顯慶元年乃復置驃騎大將軍為武散官行左金吾

衛大將軍員外置同正員通典分注員外官其初但云

為尚樂奉御員外特置仍同正員自員外官復有同正
 員者其加同正員者唯不給職田耳其祿俸賜會與正
 官同單言員外者則兼試太常卿唐書百官志太常寺

俸祿減正官之半記案宋太常漢官也宋百官春秋云在昔唐虞伯夷作
 秩宗典三禮周則春官宗伯掌禮樂並其任也初秦置
 奉常漢祖更名太常又曰太常五代史百
 官志云至梁加卿字曰太常卿其後因之頓毀護波支

惟爾乃祖乃父代服聲教書聲教訖勤勞王家勳書于

鼎彝族列于藩籍爾克紹先祖之烈而重之以忠貞嗣

守職官祇若朝化率其種落晉書四夷傳論廣保我邊

陁丹誠向化萬里如近是用稽諸令典錫以券書漢制考傳

別質劑今之券書也若今之堅永代無變子孫繼襲作我藩臣爾

其欽承勿替休命

慰問四鎮北庭將吏勅書通鑑音注舊書自焉耆西北七日行至其南庭

又正北八日行至其北庭

四鎮北庭將士官吏僧道耆壽百姓自祿山首亂中夏

不安班固東都賦目中夏而蕃戎乘釁侵敗封畧左傳封畧

之內何非君土食道路梗絕往來不通哀我士庶忽如

異域控告無所歸還莫從唐書回鶻傳初安西北庭自天寶末失關隴朝貢道隔伊

西北庭節度使李元忠四鎮節度畱後郭昕數遣使奉表皆不至貞元二年元忠等所遣假道回鶻乃得至長

安朕未嘗一夕忘懷而事勢不及相郵興言軫念忽以

流涕卿等咸蘊忠誠誓死不屈或早從征鎮白首軍中

或生在戎行長身塞外克奉正朔堅保封疆援絕勢孤

以寡敵衆晝夜勞苦不得休息歲時捍禦不解甲冑勳

高百戰義叶一心介然孤城獨守臣節日來月往三十

餘年奉國之誠久而彌勵求諸今古忠烈莫儔義激人

倫名光史册說文册符命也象其札一長一短中有二編之形又古文作册蠢動知感

況於朕懷朕嗣守洪業君臨宇內思安兆庶以絕戰爭
遂與贊普約定好和唐書吐蕃傳其俗謂疆雄曰贊集

蕃漢士庶告天地神祇設壇會盟永息邊患册府元龜

四年正月詔隴右節度使張鎰與吐蕃相尚結贊等盟
於清水將盟鎰與結贊約各以二千人赴壇所執兵者
半之列於壇外二百步散從者半之分立壇下鎰與賓
佐齊抗及會盟官崔漢衡樊澤嘗魯干頓等十人皆朝
服結贊與其本國將相論悉頗藏論藏熱乞利隨斯官
者論乞力徐等七人俱升壇為盟初約漢以牛蕃以馬
為牲鎰恥與之盟將殺其禮乃請結贊曰漢非牛不田
蕃非馬不行今請以羊豕犬三物代之結贊許諾時塞
外無豕結贊請出羝鎰出犬白羊乃於壇北刑之雜血
二器而軟盟文曰唐有天下恢奄禹跡舟車所至莫不
率俾以累聖重光卜年惟永彰王者之丕業被四海以
聲教與吐蕃贊普代為婚姻固結隣好安危同體甥舅

之國將二百年其閒或因小忿棄惠為讎封疆騷然靡
有寧歲皇帝踐祚愍茲黎庶俾釋俘囚以歸蕃落蕃國
展禮同茲叶和行人往復累布成命是必詐謀不起兵
革不用矣彼猶以兩國之要求之永久古有結盟今請
用之國家務息邊人外其故地棄利蹈義堅盟從約今
鳳州西至同谷縣劍南西川大渡水東為漢界蕃國守
鎮在蘭渭原會西至臨洮又東至成州抵劍南西界磨
些諸蠻大渡水西南為蕃界其兵馬鎮守之處州縣見
有居人彼此兩邊見屬漢諸蠻以今所分見住處依前
為定其黃河以北從故新泉軍直北至大磧直南至賀
蘭山駱駝嶺為界中間悉為閒田盟文有所不載者蕃
有兵馬處蕃守漢有兵馬處漢守並依見守不得侵越
其先未有兵馬處不得新置并築城堡耕種今二國將
相受辭而會齋戒將事告天地山川之神惟神照臨無
得愆墜其盟文藏於宗廟副在有司二國之成其永保
之結贊亦出盟文不加於坎但埋牲而已盟畢結贊請
鎰就壇之西南隅佛幄中焚香為誓誓畢復升壇飲酒

獻酬之禮各用其物以將厚意而歸四月加答蕃使崔漢衡簡較工部尚書

疆場罷警於今

六年近以賊臣朱泚背恩驚犯宮闕贊普又遣師旅助

討姦兇兩國交權事同一體北庭去此遙遠信使難通

於西蕃既非便宜在國家又絕來往永念士庶隔在殊

方歸路無因親戚永訣為人父母實所感傷已其西蕃

定議兼立誓約應在彼將士官吏僧道耆壽百姓等並

放歸漢界仍累路置頓供擬發遣待卿等進發然後以

土地隸屬西蕃今故遣太常少卿兼御史大夫沈房及

中使韓朝彩等往彼宣諭

唐書吐蕃傳朱泚之亂吐蕃請助討賊詔右散騎常侍于

願持節慰撫太常少卿沈房為安西北庭宣慰使以報之

仍便與西蕃交割卿等宜

遞相慰勉叶力同心互相提攜速圖進路復歸鄉井重

見宗親生人之情莫重於此一勞永逸固不合辭卿等

誠節昭宣勳闕茂著到此之後當特甄升仍給田園以

贍生必令優厚用答忠勞如有資產已成不願歸此亦

任便住各遂所安宜勉良圖副我勤想夏熱卿等各平

安好遣書指不多及

與回紇可汗書

唐書回鶻傳回紇其先匈奴也俗多乘高輪車元魏時亦號高車部

或曰敕勒訛為鐵勒又回紇姓藥羅葛氏居薛延陀娑陵水上距京師七千里通鑑綱目回紇

合骨咄祿可汗屢求和親上未之許會邊將告
 乏馬李泌言於上曰臣有愚策可使馬賤十倍
 上問之對曰願陛下推至公之心屈已徇人為
 社稷計臣乃敢言上曰何故泌曰臣願陛下北
 和回紇南通雲南西結大食天竺如此則吐蕃
 自困馬亦易致矣上曰三國當如卿言至於回
 紇則不可泌曰陛下所以不可豈非以陝州之
 恥耶上曰然韋少華等以朕之故受辱而死朕
 豈能忘之泌曰害少華等乃牟羽可汗後復入
 寇為今可汗所殺然則今可汗乃有功於陛下
 又何怨耶是後凡十五對反復論之上終不許
 曰朕不憚屈已但不能負少華輩耳泌曰以臣
 觀之少華輩負陛下非陛下負之也上曰何故
 對曰昔葉護將兵助國肅宗止令臣宴勞之亦
 不許至其營及大軍將發先帝始與相見蓋戎
 狄豺狼不得不過為之防耳陛下在陝富於春
 秋少華輩不能深慮以萬乘元子經造其營又
 不先與之議相見之儀使彼得肆其桀驁豈非

少華輩負陛下邪且香積之捷葉護欲掠長安
 先帝親拜於馬前以止之當時觀者十萬餘人
 皆嘆息曰廣平王真華夷主也然則先帝所屈
 者少所伸者多矣況牟羽身為可汗舉國赴難
 當是之時臣不敢言他若畱陛下於營中歡飲
 十日天下豈得不寒心哉以此二事觀之則屈
 已為是乎不屈已為是乎上曰朕與之為怨已
 久今往與之和得無復拒我為夷狄之笑乎對
 曰臣請以書與之約為臣子每來不過二百人
 市馬不過千匹無得攜中國人及商胡出塞五
 者皆能如約則主上必許和親如此威加北荒
 旁讐吐蕃足以快陛下平昔之心矣上從之
 皇帝敬問可汗弟通鑑音注可汗北方之尊稱猶漢時
 可讀如渴兩國和好積有歲年申之以昏姻通鑑綱目
 冊命回紇可汗曰英武威遠毘伽闕可汗以上幼女寧
 國公主妻之以漢中王瑀為冊禮使右司郎中李巽副

之上送至咸陽公主辭訣曰國約之以兄弟通鑑綱目至德二年

家事重死且無恨上流涕而還回紇懷仁可汗遣其子葉護等將精兵四千餘人來至

鳳翔廣平王俶將朔方等軍及回紇西域之眾十五萬發鳳翔俶見葉護約為兄誠信至重情義至深頃因賊

弟葉護大喜謂俶為兄唐書臣背恩謹按謂僕構成險釁天不長惡尋已誅夷唐書僕固

懷恩傳懷恩至鳴沙病甚還使我兄弟恩好如舊唐書僕固

死靈武部曲焚其尸以葬吐蕃入寇俄而懷恩死二虜

傳永泰初懷恩反誘回紇見郭子儀請改事子儀率麾

爭長回紇首領潛詣涇陽見郭子儀出旗門回紇曰請

下叩回紇營回紇曰願見令公子儀出旗門回紇曰請

釋甲子儀示服酋長相顧曰真是公矣時李光進路嗣

恭介馬在側子儀示酋長曰此渭北節度使某朔方軍

糧使某酋長下馬拜子儀亦下見之虜數百環視子儀

麾下亦至子儀麾左右使卻且命酒與飲遺以纏頭綵

三千召可汗弟合胡祿等持手因讓曰上念回紇功報

爾固厚何負而來今即與汝戰何遽降也我將獨入爾

營雖殺我吾將士能擊汝酋長驚服曰懷恩詭我曰唐

天子南走公見廢是以來今天可汗在公無恙吾等願

還擊吐蕃以報厚恩然懷恩子可敦弟也願赦死於是

子儀持酒胡祿請盟而飲子儀曰唐天子萬歲回紇可

汗亦萬歲二國將相如之有如負約身死行陣家屠戮

方時虜宰相磨咄莫賀于頓等聞言周皓及踏本啜黑

皆奪氣酒至其所輒曰無易公誓周皓及踏本啜黑

達于等至得弟來書省覽久之良以為慰弟天資雄傑

智識通明親仁善隣敦信明義罷戰爭之患宏禮讓之

元龜肅宗至德元年迴紇首領至請和親兼封安祿山
 九月封故邠王弟五男承宗為燉煌王使迴紇仍令僕
 固懷恩送至迴紇部落請和親封迴紇女為毗伽公主
 十月迴紇首領來朝請和親詔燉煌王承宗赴迴紇結
 親二年九月迴紇大首領入朝燉煌王承宗加開封府
 儀同三司拜宗正卿納迴紇公主為妃乾元元年六月
 迴紇使達亥阿波刺史入朝迎公主詔授開府儀同三
 司七月丁亥詔以幼女封為寧國公主命英武威遠毗伽
 祿大夫殿中監漢中郡王瑀充册命英武威遠毗伽可
 汗使以堂姪正議大夫行右司郎中上柱國上邽縣公
 賜紫金魚袋巽為副特差重臣開府儀同三司尚書左
 僕射冀國公裴冕送至界首戊子右司郎中巽改尚書
 兵部郎中兼御史中丞鴻臚少卿兼充寧國公主禮會
 使癸巳以册立迴紇英武威遠毗伽可汗帝御宣政殿
 漢中王瑀受命甲子帝送寧國公主咸陽磁門驛十一
 月甲子迴紇使三婦人謝寧國公主之娉也三年正月
 迴紇可汗使大臣俱六莫賀達于等入朝奉表起居公
 主代宗大曆四年五月册僕固懷恩小女為崇徽公主

六月丁酉崇徽公主辭赴迴紇
 宰臣已下百寮送至中渭橋
 與弟俱承先業所宜遵

奉令圖自茲以還情契彌固垂之百代永遠無窮緬想

至誠當同此意所附踏本啜奏請降公主姻不失舊頗

叶通規待弟表到即依所請唐書回鶻傳詔咸安公主下嫁又詔使者合闕達于

見公主于麟德殿使中謁者齋公主畫圖賜可汗宣示百寮擇日發遣緣諸軍

兵馬收京破賊頻立功勳賞給數多府藏虛竭其馬價

物唐書食貨志時迴紇有助收西京功代宗厚遇之與中國婚姻歲送馬十萬匹酬以縑帛百餘萬匹而中

國財力屈竭且付十二萬匹至來年三月更發遣一般

餘並續續支付弟宐悉也安西北庭使人入奏並却歸

本道至彼宜差人送過令其速達弟所寄馬並到深愧厚意

賜吐蕃將書

勅尚覽鑠論莫陵悉繼等至

唐書吐蕃傳其官有大相曰論薩副相曰論薩扈莽

各一人亦號大論小論都護一人曰悉編擊通又有內大相曰曩論擊通亦曰論莽熱副相曰曩論覓零通小

相曰曩論充各一人又有整事大相曰喻寒波充皆任國事總整事曰喻寒覓零通小整事曰喻寒波充皆任國事總

號曰尚論擊通通鑑音注吐蕃立國之初有大論小論以統國事後因以為貴姓省所陳奏朕

具悉之國家與大蕃親則舅甥通鑑紀事貞觀十二年初上遣使者馮德遐撫

慰吐蕃吐蕃聞突厥吐谷渾皆尚公主遣使隨德遐入朝多齎金寶奉表求婚上未之許使者還言於贊普棄

宗弄讚曰臣初至唐唐待我甚厚許尚公主會吐谷渾王入朝相離閒唐禮遂衰亦不許婚弄讚遂發兵擊吐

谷渾吐谷渾不能支遁於青海之北民畜多為吐番所掠吐番進破黨項白蘭諸羌帥眾二十餘萬屯松州西

境遣使貢金帛云來迎公主尋進攻松州敗都督韓威羌酋閻州刺史別叢臥施諾州刺史把利步利並以州

叛歸之連兵不息壬寅以吏部尚書侯君集為當彌道行軍大總管甲辰以右領軍大將軍執失思力為白蘭

道左武衛將軍牛進達為闕水道左領軍將軍劉簡為洮河道行軍總管督步騎五萬擊之吐番攻城十餘日

進達為先鋒九月辛亥掩其不備敗吐番於松州城下斬首千餘級弄讚懼引兵退遣使謝罪因復請婚上許

之十四年冬閏十月丙辰吐番贊普遣其相祿東贊獻金五千兩及珍玩數百以請昏上許以文成公主妻之

十五年春正月丁丑命禮部尚書江夏王道宗持節送文成公主於吐番贊普大喜見道宗盡子婚禮慕中國

衣冠儀衛之美為公主別築城郭宮室而處之二十三

年上以吐番贊普弄讚為駙馬都尉封西海郡王武后

長安三年夏四月吐番遣使獻馬千匹金二千兩以求
昏中宗景龍元年春三月庚子吐番遣其大臣悉蕭熟
入貢夏四月辛巳以上所養雍王守禮女金城公主妻
吐番普贊三年冬十一月乙亥吐番贊普遣其大臣尚
贊拙等千餘人迎金城公主睿宗景雲元年春正月上
命紀處訥送金城公主適吐番處訥辭又命趙彥昭彥
昭亦辭丁丑命左驍衛大將軍楊矩送之己卯上自送
公主至始平二月公主至吐番贊普為之別築城以居
之元宗開元六年十一月戊辰吐番奉表請和乞舅甥
親署誓文開元十八年冬十月吐番遣其大臣論名悉
獵隨皇甫惟明入貢表稱甥世尚公主義同一家中閒
張元表等先與兵寇抄遂使二境交惡甥深識尊卑安
敢失禮正為邊將交構致獲罪於舅屢遣使者入朝皆
為邊將所遏今蒙遠降使臣來視公主甥不勝喜賀儻
使復修舊好死無所恨自是吐番復欵附義則隣援息人繼好固是常規朕
嗣位君臨思安兆庶常以信讓為事不以爭競為心區

域雖殊覆育寧別贊普天資仁德好生惡殺與朕同心
重修舊好會蕃漢將相告天地神祇約誓之言至嚴至
重大信一立義無改移所請奉天盟書勒於清水碑石

唐書地理志清水縣名屬秦州隴右道通鑑音注 審詳

清水漢古縣唐屬秦州九域志在州東九十里

事理頗甚乖違往歲賊臣稱兵竊據城闕尚結贊志惟
嫉惡義在救災頻獻表章請收京邑朕以宗廟社稷悉
在上都但平寇戎豈惜酬賞遂許四鎮之地以答收京

之功旋屬炎蒸又多疾疫大蕃兵馬便自抽歸唐書吐蕃傳會

大疫虜 輒引去 既未至京有乖始望奉天盟約豈合更論通鑑初上

發吐蕃討朱泚許以安西北庭之地與之及泚誅吐蕃
 來求地上欲與之李泌曰安西北庭人性驍悍控制西
 域五十七國及十姓突厥又分吐蕃之勢使不得并兵
 東侵奈何拱手與之且兩鎮之人勢孤地遠盡忠竭力
 為國家固守近二十年誠可哀憐一旦棄之戎狄彼必
 深怨中國他日從吐蕃入寇如報私讐矣況日者吐蕃
 觀望不進陰持兩端大掠而去何朕欲苟循彼情便令
 功之有衆議亦以為然上遂不與

鑄刻則是非務實信不由衷欺天罔神莫大於此凡曰
 通好貴於推誠將垂百代之名豈顧一時之利但以事
 之去就須定是非若不辯明便成姑息親隣之義豈所
 宜然故遣使臣與卿詳議卿是大蕃輔佐必當智識通
 明事理昭然不足疑惑儻有他見宜具奏聞審細研窮

須歸至當所論先許每年與贊普綵絹一萬匹段者本
 來立約亦為收京然於舅甥之情此乃甚為小事二國
 和好即同一家此有所須彼當不悞彼有所要此當合
 供以有均無蓋是常理贊普若須繪帛朕即隨要支分
 多少之閒豈拘定限假使踰於萬匹亦當稱彼所求朕
 之所重者信誠所輕者財利思與率土同臻大和詩率
 濱莫非王臣相卿深體至公務存大義安人保境垂美無窮

勉思令圖以副朕意今遣倉部郎中唐書百官志倉部郎中員外郎各一

人掌天下庫儲出納租稅祿糧倉廩之事通典注周官有倉人主藏九穀又有廩人主藏九穀之數調賜稍食

魏尚書有倉部郎後魏有太倉尚書亦其任也龍朔兼
二年改為司庾天室中改為司儲皆以地官為之
侍御史趙聿與來使同往書中意有不盡並令趙聿口

宣尚結贊論莽羅等嘗總師徒遠來赴難功雖未就義

則可嘉

冊府元龜德宗興元元年二月帝在山南時朱
泚盜據宮殿詔以右散騎常侍兼御史大夫于

願往涇州已來宣慰吐蕃仍與州府計會頓遞時吐蕃
欵塞請以兵助平國難故遣使焉四月渾瑊與吐蕃論
莽羅之衆大破朱泚將韓旻張庭芝宋
歸朝等於武功之武亭川斬首萬餘級其所領將士等

朕先許與賜物一萬匹段並已排比許卿所商量指定
此使却回即發遣往今各賜卿少物至宜領之

賜吐蕃宰相尚結贊書

唐書吐蕃傳貞元二年詔
倉部郎中趙建往使而虜

已犯涇隴邠寧掠人畜敗田稼內州皆閉壁游
騎至好時左金吾將軍張獻甫神策將李昇雲
等屯咸陽河中渾瑊華州駱元光援之以左監
門將軍康成使焉尚結贊屯上砦原亦令使論
乞陀來
請盟

勅尚結贊卿天資材術作輔大蕃識通古今志奉忠信

義聲著積遠近流傳比聞入典樞衡

北史序傳孝文謂
右衛宋弁曰僕射

執我樞衡近知還總戎務二國所定和好首末是卿商

量冊府元龜建中三年九月和蕃使殿中少監兼御事
中丞崔漢衡與吐蕃使區頰贊至自蕃中時吐蕃大

相尚結息忍而好殺以嘗覆敗於劍南思刷其恥不肯
約和其次相尚結贊有材畧固言於贊普請定界盟約
以息邊民贊普然之竟以結贊代結息為大
相約終和好期以十月十五日會盟於境上
得卿却來

深以為慰昨者邊軍狀奏彼國兵馬踰越封疆朕以畫界立盟先有定分贊普素敦仁義卿又特稟純誠背約

侵漁韓非子侵漁朋韓比周相與必無此理但勅邊城自備不令輒

動干戈若使效尤左傳鄭伯效尤其亦將有咎晉語效郵非義也韻會尤通作郵恐成

交惡初疑界首遊奕少有乖宐不謂大發師徒漸加侵

軼興兵動衆必合有名蕃軍此行未測其故朕自嗣膺

寶位卽與贊普通和冊府元龜建中元年四月太常少卿韋倫至自吐蕃自大歷中吐蕃

聘使前後數輩皆留之不遣俘獲其人必遣中官部統徙之江嶺因緣求財及結養之費不勝其弊去年冬吐蕃大興師以三道來侵一自靈武一自山南一自蜀約縱齊舉會帝初卽位以德綏四方徵其俘囚五百餘人

各給衣一襲使倫統還其國與之約和勅邊將無得侵伐吐蕃始聞歸其人不之信及蕃俘入境部落皆畏威懷惠其贊普乞立贊謂倫曰不知是來也而有三恨奈何倫曰未達所云乞立贊曰不知大國之喪而弔不及哀一也不知山陵之期而賻不成禮二也不知皇帝舅聖明繼立已發衆軍三道連衡今靈武之師聞命輒迴矣而山南之師已久扶文蜀師已趨灌口追且不及是三恨也及發使奉贄不二旬而復命蜀師尋獲其戎俘有司請准舊事頒為徒隸帝曰要約著矣言庸二乎乃各給縑二疋衣一襲而歸之敦以舅甥結

為隣援懲戰爭之弊知禮讓之風彼此大同務安衆庶乃於境上建立壇場契約至明誓詞至重告于皇天后土諸佛百神有渝此盟殃及其國朕敬奉誠約分毫不移信使交懽歲時無絕碑文具在可以明徵豈有一事

不行一言不守頃令趙聿專往近方從彼却回兼聞彼蕃使同來至今獨在道路卿所論奏朕並未知待詳事由乃可商議既稱和好理絕相疑未合輕舉甲兵便踰境界盟誓之語忽焉如遺天地神明豈其可罔卿智識明達朕所深知頃年猶舉義師救此災患今豈不存大信遂棄令名故專遣使見卿欲得審知來意竝聞還奏以副所懷趙聿及蕃使合到待覽表中意旨續卽商量報卿卿涉遠而來當甚勞頓今賜卿某物至宜領之秋冷卿比平定好將士並存問之

賜尚結贊第二書

趙聿及論拱熱等至得卿表奏具見懇誠省覽言辭卽稱和好及覩事跡唯務侵凌矛楯若斯將何取信審察書中之意蓋求四鎮北庭如此事宜足得商議既言通好理絕相疑未合輕舉甲兵便踰境界盟誓之語忽然如遺天地神祇豈其可罔又聞放縱兵馬蹂踐禾苗邊境之人大遭驅掠在此未爲深損於彼殊非遠謀卿之用心何乃至是國家利害計須久長和好之道旣虧仁義之風何在卿智識明悟朕所深知頃年猶發義師救

此災患今豈不存大信遂棄令名故遣使見卿欲得審
知來意必若守其盟誓務在同和卽收斂兵車速歸本
界所掠百姓一切放回然後可表卿直心信卿來奏續
卽遣使與論拱熱同往諸事並有商量交歡必令得所
或密懷他意將欲別謀彼雖未說實情此亦畧爲准擬
但緣誓約本重朕意不欲先違以此勤勤合有相問佇
聞來奏以副朕懷

賜尚結贊第三書

勅尚結贊蕃使論拱熱等與趙聿同列卿所陳奏朕具

悉之誠意勤勤志敦和好上以成舅甥之義次以結隣
援之歡外以彰禮讓之風內以息戰爭之患兼此數事
昔賢所難非卿材越等倫識通今古豈能匡輔大國宏
宣遠圖施美利於當時

易乾始能以美利利天下

傳盛名於不朽眷

懷明畧歎尚良多然以贊普來書務於叶睦卿之所奏
亦貴通和初覽其言實嘉德義及觀其事頗訝乖違以
卿賢明朕所信重棄義踰約計必不然未測事由因何
至此頃年所定和好言約頗謂分明至於四鎮北庭元
不割與蕃國及朱泚悖逆作亂上都卿仗義興師

陸賈新語

仗仁者霸請收京邑遂許四鎮北庭之地將以報答成
 仗義者強功旋屬炎蒸蕃軍使退注見奏草六卷奉天之約豈可更論事
 甚分明固無疑惑凡言結好所貴和同通體商量有何
 不可大蕃必若要四鎮北庭之地即合直以情言彼但
 露其誠心此亦自有分義豈假曲徵前事廣起異端仍
 發師徒務張威勢蕃使猶未至此蕃軍早已越疆或稱
 欲自赴朝或云更定言誓既虧盟約且失禮儀言與事
 乖將何取信夫人君立國必不徒然惟漢與蕃各受天
 命勝負固有定分強弱寧由力爭卿欲以衆相侵以威

相脅謂天地可罔謂盟誓可渝即當肆意所為不必更
 論和好儻欲守其前約敦以親隣去就之間固宜有禮
 遣使來往足得商量張皇師徒書張皇六師是何道理和好
 者禮義之事甲兵者爭奪之由二端懸殊理不並用今
 欲以用兵之勢定和好之辭事必不成縱成何益卿識
 見通敏器宇沉詳如此事宜不言可悉未知來意竟擬
 如何且首末論和是卿商議清水會盟之日卿又親發
 誓辭將期去殺好生修文偃武書王來自商至于永安
 兆庶垂法子孫天下稱嗟以為盛美未經數歲遽有變

移非獨見謂於四方亦將取笑於千古以此思度甚欲
 通和彼雖小以侵陵朕亦未即交惡故遣某官與卿更
 審籌量卿若必務同和更無他意即宜便歸本界遣使
 具述本情所須四鎮北庭朕當自有推議如或託稱繼
 好志在別圖依前縱兵不即歸國惟利是視亦識彼懷
 和與不和於茲決定書中事有不盡並令某官某口宣
 宜令速回竚望來奏所獻方物深表遠誠今賜卿某物
 至可領也秋冷比平安好

唐陸宣公翰苑集卷第十一

山右張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

奏草

論關中事宜狀

前漢高帝紀懷王與諸將約先入定關中者王之注師古曰自函谷

關以西總名關中關中記東自函關宏農郡靈寶縣界西至隴關汧陽郡汧源縣界二關之間

謂之關中東
西千餘里

右臣頃覽載籍每至理亂廢興之際必反覆參考究其
端由與理同道罔不興與亂同趣罔不廢此理之常也
其或措置不異安危則殊此時之變也至於君人有大
柄立國有大權得之必彊失之必弱是則歷代不易百
王所同夫君人之柄在明其德威立國之權在審其輕
重德與威不可偏廢也輕與重不可倒持也蓄威以昭
德偏廢則危居重以馭輕倒持則悖恃威則德喪於身
取敗之道也失重則輕移諸已啓禍之門也陛下天錫

智勇書天乃錫
王勇智

志期削平忿茲昏迷整旅奮伐

穀梁傳
出曰治

兵習戰也入曰振旅
習戰也詩奮伐荆楚

海內震壘

詩薄言震之
莫不震壘

莫敢寧居

此誠英主撥亂拯物

前廿天高帝紀帝起細
微撥亂世反之正

不得已而用

之然威武四加非謂蓄美所可兢兢保惜慎守而不失

者惟居重馭輕之權耳陛下又果於成務急於應機竭

國以奉軍傾中以資外倒持之勢今又似焉臣是以疚

心如狂前漢蘇武傳陵始
降時忽忽如狂

不覺妄發輒踰顧問之旨

通鑑

大歷十四年六月丙午舉先天故事六品以上清望官
雖非供奉侍衛之官日令二人更直待制以備顧問

深測憂危之端此臣之愚於自量而忠於事主之分也

古人所謂愚夫言之而明主擇之惟陛下幸留聽焉臣聞國家之立也本大而末小是以能固又聞理天下者若身之使臂臂之使指則小大適稱而不悖焉前漢賈誼傳令

海內之勢如身之使臂臂之使指莫不制從身所以能使臂者身大於臂故也

也臂所以能使指者臂大於指故也淮南子五指之屬於臂搏援攫捷莫

不如志言以王畿者四方之本也周禮職方氏辨九服之邦國方千里曰王

畿鄭元王制注云縣內夏時天子所居州界名也殷曰畿周亦曰畿京邑者又王畿之本

也張衡東京賦京邑翼翼四方所視其勢當令京邑如身王畿如臂四

方如指故用則不悖處則不危斯乃居重馭輕天子之

大權也非獨為御諸夏而已抑又有鎮撫戎狄之術焉是以前代之制轉天下租稅委之京師徙郡縣豪傑處

之陵邑前漢劉敬傳諸侯初起時非齊諸田楚昭屈景莫與今陛下雖都關中實少人北近胡寇東有

六國強族臣願徙齊諸田楚昭屈景燕趙韓魏後及豪傑名家且實關中無事可以備胡諸侯有變亦足率以

東伐此疆本弱末之術也選四方壯勇實之邊城其賦役則輕近而

重遠也其惠化則悅近以來遠也太宗文皇帝既定大

業萬方底又猶務戎備不忘慮危列置府兵分隸禁衛

唐書兵志府兵之制起自西魏後周而備於隋自高祖初起開大將軍府以建成為左領大都督領左三軍燧

煌公為右領大都督領右三軍元吉統中軍發自太原有兵三萬人及諸起義以相屬與降羣盜得兵二十萬

帝音堂

武德初始置軍府以驃騎車騎兩將軍府領之析關中為十二道皆置府三年更為十二軍軍置將副各一人以督耕戰以車騎府統之六年以天下既定廢十二軍改驃騎曰統軍車騎曰別將居歲餘十二軍復而軍置將軍一人軍有坊置主一人以檢察戶口勸課農桑太宗貞觀十年更號統軍為折衝都尉別將為果毅都尉諸府總曰折衝府凡天下十道置府六百三十四皆有名號而關內二百六十有一皆以隸諸衛凡府三等兵千二百人為上千人為中八百人為下府置折衝都尉一人左右果毅都尉各一人長史兵曹別將各一人校尉六人士以三百人為團團有校尉五十人為隊隊有正十人為火火有長火備六馱馬其隸於衛也左右衛皆領六十府諸衛領五十至四十其餘以隸東宮六率夫所謂天子禁軍者南北衙兵也南衙諸衛兵是也北衙者禁軍也貞觀初太宗擇善射者百人為二番於北門長上曰百騎以從田獵又置北衙七營選材力驍壯月以一營番上十二年始置左右屯營於元武門領大以諸衛將軍號飛騎後擇馬射為百騎為游幸翊衛

凡諸府八百餘所而在關中者殆五百焉

文獻通考唐志言凡天下

十道置府六百三十四皆有名號而關內二百六十有一皆以隸諸衛會要云折衝府二百八十通計舊府六百三十三陸贄奏議則以為太宗置府八百在關中者五百杜牧原十六衛上畜養戎臣外開折衝果毅府五百七十有四

承平漸久武備寢微雖府衛具存而卒乘罕習

唐書兵志自高

宗武后時天下久不用兵府兵之法寢壞番役更代多不以時衛士稍稍亡匿至是益耗散宿衛不能給宰相張說乃請一切募士宿衛更號曰彊騎以分隸十二衛總十二萬為六番自天寶以後彊騎之法又稍變廢士皆失拊循八載折衝諸府至無兵可交李林甫遂請停上下魚書其後徒有兵額官吏而戎器馱馬鍋幕糗糧並廢

故祿山竊倒持之柄乘外重之資一舉滔天

通鑑李林

甫欲杜邊帥入相之路乃奏言文臣為將怯當矢石不若用寒峻胡人胡人則勇決習戰寒峻則孤立無黨上悅其言始用安祿山至是諸道節度使盡用胡人精兵咸戍北邊天下之勢偏重卒使祿山傾覆天下皆出於林甫專寵固位之謀也姚汝能安祿山事蹟祿山日增驕嘗以曩時不拜肅宗之嫌慮元宗年高國中事變遂包藏禍心將生逆節乃於范陽築雄武城外示禦寇內貯兵器天寶十四載起兵反同羅契丹室韋曳落兼范陽平盧河東幽薊之衆馬步相兼兩京不守唐書元宗十萬鼓行而西以誅楊國忠為名

四載十一月丙申封常清及安祿山戰於嬰子谷敗績丁酉陷東京畱守李證御史中丞盧奕判官蔣清死之十五載六月甲午詔親征京兆尹崔光遠為尚賴經制西京畱守丁酉次馬嵬已亥祿山陷京師

頗存典刑疆本之意則亡沿

緣一作

邊之備猶在

通鑑天寶元年

置十節度經畧使以備邊安西節度撫寧西域治龜茲城北庭節度防制突騎施堅昆治北庭都護府江西節

度斷隔吐蕃突厥治涼州朔方節度捍禦突厥治靈州河東節度與朔方犄角以禦突厥治太原府范陽節度臨制奚契丹治幽州平盧節度鎮撫室韋靺鞨治營州隴右節度備禦吐蕃治鄯州劍南節度西抗吐蕃南撫巒獠治益州嶺南五府經畧綏靜夷獠治廣州此外又有長樂經畧福州領之東萊守捉萊州領之東牟守捉登州領之凡鎮兵四十萬九萬人馬八萬餘匹加以諸牧有馬通鑑音注唐制凡馬五千匹為

上監三千匹以上為中監一千匹以上為下監麟德中置八使分總監坊秦蘭原渭四州及河曲之地凡監四十八南使有監十五西使有監十六北使有監七鹽州使有監八嵐州使有監二自京師西屬隴右有七馬坊置隴右三使領之歐陽修曰置八坊幽岐涇寧閒地廣千里一曰保樂二曰甘露三曰南普閏四曰北普閏五曰岐陽六曰太平七曰宣祿八曰安定八坊之田千二百三十頃募民耕之以給芻秣八坊之馬為四十八監而馬多地狹不能容又析每州有糧故肅宗得以為資八監列置河西豐曠之野

中復興運乾元肅宗年號之後大憝初夷繼有外虞通鑑綱目肅宗

上元二年三月史朝義殺史思明寶應元年冬十月以

雍王适為天下兵馬元帥討史朝義十一月諸軍圍史

朝義於悉師東討邊備既弛禁戍亦空吐蕃乘虛深入

為寇故先皇帝謂代莫與為禦避之東遊通鑑綱目廣

月吐蕃入大震關陷蘭廓河讐洮岷秦成渭等州盡取

河西隴右之地邊將告急程元振皆不以聞十月虜至

涇州刺史高暉降之為之鄉導既過邠州上始聞之至

奉天武功京師震駭詔以雍王适為關內元帥郭子儀

副之出鎮咸陽以禦之子儀閑廢日久部曲離散至是

召募得二十騎而行至咸陽吐蕃帥吐谷渾黨項氏羗

三十餘萬眾渡渭循山而東子儀使判官王廷昌入奏

請益兵程元振過之竟不召見吐蕃渡便橋上倉卒不

知所為出是皆失居重馭輕之權忘深根固柢之慮老子

幸陝州

此謂深根固柢長生久視之道內寇則嶠函失險括地志嶠山一名岑

北即古之嶠道也函謂函谷在陝西桃林縣南十二里

有淇淄澗水山形如函故稱函關路在谷口故名函谷

外寇他木則汧渭為戎史記秦本紀孝王使非子主馬

州以於斯之時朝市離析事變可慮須臾萬端雖有四

方之師寧救一朝之患通鑑驃騎大將軍程元振專權

有大功者元振皆忌嫉欲害之吐蕃入寇元振不以時

奏致上狼狽出幸上發詔徵諸道兵李光弼等皆忌嫉

元振莫陛下追想及此豈不為之寒心哉前漢鼂錯傳

有至者尚賴宗社威靈先皇仁聖攘却醜類庚闡討蘇峻

處其再安宸居典引高光二聖宸居其域注蔡邕城

心共剪

醜類

再安宸居

日如北辰居其所而眾星共之

城

翁范集

卷之二十一

行宮

邑具全宮廟無實實與隕同此又非常之幸振古所未聞焉

足以見天意之於皇家保佑深矣故示大儆將宏永圖

陛下誠宜上副元心下察時變遠考前代成敗近鑒國

朝興衰垂無疆之休建不拔之業今則勢可危慮又甚

於前伏惟聖謀已有成算愚臣未達敢獻所憂先皇帝

還自陝鄂左傳鄭人伐宋入其鄂注鄂郭也懲艾往事稍益禁衛通鑑初肅

宗以陝西節度使郭英又領神策軍使魚朝恩監其軍

英又入為僕射朝恩專將之及上幸陝朝恩舉在陝兵

與神策軍迎扈悉號神策軍天子幸其營及京師平朝

恩遂以軍歸禁中自將之至是從上屯苑中其勢寢盛

分為左右廂漸修邊防是時關中有朔方涇原隴右三

居北軍之右

帥以扞西戎謹按三帥路嗣恭馬璘李抱玉也西戎謂吐蕃河東有太原全軍

以控北虜謹按時郭子儀兼河東副元帥北虜謂回紇此四軍者皆聲勢雄

盛士馬精強又徵諸道戍兵每歲乘秋備塞唐書食貨志河隍六

鎮既陷歲發防秋兵三萬戍京西尚不能保固封守遏其奔衝京師戒

嚴比比而有唐書代宗紀廣德二年十月丙寅吐蕃寇邠州丁卯寇奉天京師戒嚴永泰元年八

月吐蕃寇醴泉奉天黨項羌寇同州渾奴刺寇熱屋京

師戒嚴大歷二年九月甲寅吐蕃寇靈州乙卯寇邠州

郭子儀屯於涇陽京師戒嚴三年八月已前漢刑法志百姓新位威懾殊鄰蠢茲昆夷猶肆毒蠶免毒蠶注蠶音呼各

反舉國來寇志吞岷梁通鑑大歷十四年冬十月丁酉朔吐蕃與南詔合兵十萬三道

入寇一出茂州一出扶文一出黎雅曰吾欲取蜀以為東府諸將不能禦虜連陷州縣刺史棄城走土民竄匿山谷通鑑考異曰建中實錄此月吐蕃三道入寇皆在梁益之境

好財曰貪通鑑初馬麟忌涇原都知兵馬使李晟功名遣入宿衛為右神策都盡利曰冒覆亡既盡

將上發禁兵四千人使晟將之發邠隴范陽兵五千使金吾大將軍安邑曲環將之以救蜀東川出兵自江油

趨白壩與山南兵合擊吐蕃南詔破之范陽兵追及於七盤又破之遂克維茂二州李晟追及於大度河外又

破之吐蕃南詔飢寒隕遂求通好少息交侵蓋緣馬喪於崖谷死者八九萬人

兵疲務以計謀相緩固非畏威懷德必欲守信結和所

以歷年優柔竟未堅定要約通鑑建中四年上命宰相尚書與吐蕃區頰贊盟於

豐邑里區頰贊以清水之盟疆場未定不息兵稍久育果盟已未命崔漢衡入吐蕃決於贊普

馬漸蕃必假小事忿爭因復大肆侵掠張光晟又於振

武誘殺羣胡唐書回紇傳始回紇至中國常參以九姓胡往往往畱京師至千人居貲殖產甚厚會

酋長突董翳蜜施大小梅錄等還國裝橐係道畱振武

三月供擬珍豐費不貲軍使張光晟陰伺之皆盛女子

以橐光晟使驛吏刺以長雖然後知之已而聞頓莫賀

新立多殺九姓胡人懼不敢歸往往亡去突董察視嚴

亟羣胡獻計於光晟請悉斬回紇光晟許之即上言回

紇非素疆助之者九胡爾今其國亂兵方相加而虜利

則往財則合無財與利一亂不振不以此時乘之復歸

人與幣是謂借賊兵資盜糧也乃使裨校陽不禮突董

果怒鞭之光晟因勒兵盡殺回紇羣胡收橐它馬數千

吐蕃實和回紇無憾戎狄貪詐乃其常情苟有便利可

窺豈肯端然自守今朔方太原之眾遠在山東通鑑本注謂李

懷光以朔方軍馬燧以太神策六軍之兵繼出關外通鑑

本注左右羽林左右龍武左右神策為六軍又曰左右羽林龍武神武為六軍神策軍最盛在六軍之右時李

晟哥舒曜劉德信等皆以禁兵出關討賊倘有賊臣啗寇唐書僕固懷恩傳永泰元年帝集天

下兵防秋懷恩誘合諸蕃號二十萬入寇吐蕃自北道逼醴泉搖奉天任敷鄭廷郝德自東道寇奉先以窺同

州羌渾奴刺自西道畧點虜窺邊伺隙乘虛微犯亭障蓋屋趨鳳翔京師震駭

漢書武帝紀元封三年夏遣光祿勳徐自為築五原塞外列城秋匈奴入定襄雲中殺畧數千人行壞光祿諸

亭障注師古曰漢制每塞要處別築為城置人鎮守謂之候城此即障也此愚臣所竊為憂

者也未審陛下其何禦之側聞伐叛之初議者多易其

事通鑑本注以僉謂有征無戰前漢淮南王安上書曰

其事為易也戰役不逾時計兵未甚多度費未甚廣於事為無擾於

人為不勞會不料兵連禍拏通鑑本注拏相牽引也變故難測日

引月長漸乖始圖通鑑本注圖謀也故前志以兵為凶器戰為

危事尉繚子兵者凶器也故不得已而用之逸孟子戰者危事也至戒至慎不敢輕

用之者蓋為此也當勝而反敗當安而倒危變亡而為

存化小而成大在覆掌之間耳王羲之上會稽王輔政版安危之機易於反掌

何可不畏而重之乎近事甚明足以為鑒往歲為天下

所患咸謂除之則可致昇平者李正已淄青節度使李寶臣

翁施集

卷之二十一 九

希音堂

成德節度使 **梁崇義** 山南東道節度使 **田悅** 魏博節度使 是也往歲為國

家所信嚴謂任之則可除禍亂者朱滔 盧龍節度使 **李希烈**

淮西節度使 是也既而正己死李納繼之寶臣死惟岳繼之

謹按李納李正己子 **崇義卒希烈叛惟岳戮朱滔** 攜然

則往歲之所患者四去其三矣而患竟不衰往歲之所

信者今則自叛矣而又難保是知立國之安危在勢任

事之濟否在人勢苟安則異類同心也勢苟危則舟中

敵國也 史記吳起傳若君不脩德 陛下豈可不追鑒往

事惟新令圖循偏廢之柄以靖人復倒持之權以固國

而乃孜孜汲汲極思勞神循無已之求望難必之效其
於為人除害之意則已至矣其為宗社自重之計恐未
至焉自頃將帥徂征久未盡敵苟以藉口則請濟師陛
下乃為之輟邊軍缺環衛虛內廐之馬 唐書兵志建中元年市關輔馬

三萬實內廐文獻通考林駟曰唐府兵之制當給馬者
官與其直市之每匹錢二萬五千刺史折衝果毅覈歲
周不任戰者鬻之以其錢更市不足則府供之此給錢
以市也至府兵漸壞兵貧難致乃給以監牧之馬此給
馬之用也大抵唐之馬竭武庫之兵 唐書百官志兩京

政皆給於官民無與焉 **占將家之子以益師** 唐書兵志建中四年下詔募兵以

壻端王傅吳仲孺殖貲累巨萬以國家有急不自安請
以子率奴馬從軍德宗喜甚為官其子五品志貞乃請

節度都團練觀察使與世嘗任者皆出 賦私養之蓄以

子弟馬奴裝鎧助征投官如仲孺子 增騎猶且未戰則曰乏財陛下又為之算室廬貸商賈

唐書食貨志初太常博士韋都賓陳京請借富商錢德

宗以問度支杜佑以為軍費裁支數月幸得商錢五百

萬緡可支半載乃以戶部侍郎趙贊判度支代佑行借

錢令約罷兵乃償之京兆少尹韋植長安丞薛萃搜督

甚峻民有不勝其冤自經者家若被盜然總 傾司府之

京師豪人田宅奴婢之估裁得八十萬緡 設請權之科關

幣唐書百官志太府寺卿掌財貨廩藏 輔之間徵發已甚宮苑之內備衛不全

皆屯苑中時悉 在行營又宮苑謂宮城及苑城也程大昌應錄曰北軍

左右兩軍皆在苑內左三軍在內東苑之東大明宮苑

東也右三軍在九仙門之西九仙在內東苑之西北角

左三軍左神策左龍武左羽林軍也右三軍右神策右

龍武右羽林軍也 萬一將帥之中又如朱滔希烈或負固邊壘

誘致豺狼或竊發郊畿驚犯城闕此亦愚臣所竊為憂

者也未審陛下復何以備之 通鑑本注姚令言朱泚以

陛下聖德君臨率土欣戴非常之慮豈所宜言然居安

思 他本危哲王是務以言為諱中主不行若備之已嚴

則言亦何害倘忽而未備又安可勿言臣是以罄陳狂

愚無所諱避罔敢以中主不行之事有虞於聖朝也唯

陛下熟察之過防之且今之關中即古者邦畿千里之

地也王業根本於是在焉秦嘗用之以傾諸侯漢嘗因

之以定四海蓋由憑山河之形勢前漢高帝紀秦形勝之國也注得形勢之

勝便也宅田里之上腴弱則內保一方當天下之半可以

養力俟時也疆則外制東夏據域中之大可以蓄威昭

德也文獻通考雍州之地厥田上上鄂杜之饒號稱陸海四塞為固被山帶河秦氏資之遂平海內漢初

高帝納婁敬說而都焉凡周秦漢晉西魏後周隋至於

唐并為帝都其開王莽更始劉曜苻堅姚萇亦都於此

今號西京文公朱熹曰前代所以都關中者以黃河左

右旋繞所謂臨不測之淵也近東獨有函谷關一路通

山東故可據以為險史記五帝本紀豪勇之在關中者與籍於營衛不殊

以師兵為營衛正義曰環繞軍車乘之在關中者與兵為營以自衛若轅門即其遺象

列於廐牧不殊財用之在關中者與貯於帑藏不殊後漢

百官志大司農部丞一人六有急而須一朝可取一作今執事者先拔其本棄重取輕所謂倒持太阿授人以

柄前漢梅福傳倒持太阿授楚其柄注議制置則強幹太阿劍名言秦無道猶倒持劍授人

弱枝之術反綱目集覽京師為幹四方為枝西都賦曰強幹弱枝隆上都而觀萬國語綏

懷則悅近來遠之道乖求諸通方無適而可顧臣庸懦

竊為陛下惜之往者不可追來者猶可補臣不勝懇懇

憂國之至輒敢效其狂鄙以備采擇之一端陛下儻俯

照微誠過聽愚計使李芄援東洛懷光救襄城前漢匈奴傳周

襄王出奔於鄭之汜汜注今潁川襄城希烈兇徒勢必退衄則所遣神策

六軍士馬及點召節將子弟東行應援者悉可追還通鑑

本注節將子弟白志貞所奏遣東征者謹按點點行也

役師古曰點行漢史謂之更行以丁籍點召上下更換差河北既有馬燧抱負昭義節度使固亦無藉李晟亦令旋

旆釋名雜帛為旆以雜色綴其邊完復禁軍明勅涇隴

邠寧但令嚴備封守通鑑音注明勅猶言明詔唐書地

州新平郡寧州彭原郡屬關內道通典涇州春秋秦地

始皇時屬北地郡武帝分置安定郡後魏太武帝置涇

州蓋以涇水為名隋為安定郡唐為涇州或為安定郡

隴州春秋秦國之地始皇屬內史漢屬右扶風西魏置

隴東郡兼置東秦州後改為隴州煬帝初州廢以其地

入扶風郡唐復置隴州或為汧陽郡邠州古豳國昔公

劉據豳即其地也秦始皇屬內史漢為右扶風安定北

地三郡地後漢末置新平郡西魏置豳州煬帝初州廢

以其地為安定北地二郡唐復置豳州開元十三年改

豳為邠其後或為新平郡寧州春秋時戎地戰國時屬

秦始皇為北地郡後魏獻文置華州孝文改為班州後

改為邠州又改為豳州西魏改為寧州立嘉名也唐置

寧州或為彭原郡仍云更不徵發使知各保安居又降德音勞

徠畿甸且言京輦之下百役殷繁且又萬方會同諸道

朝奏卹勤懷遠理合優容其京城及畿縣所稅開架權

酒前漢武帝紀初權酒酤注如淳曰權音較韋昭曰以

從而作朝廷由是益尊然後可以度時宜施教令弛張自我何有不從端本整棼無易於此通鑑上不能用

論兩河及淮西利害狀

謹按兩河河南河北也正義曰古帝王之都多在河

東河北故呼河北為河內河南為河外

內侍朱冀寧奉宣進旨

通鑑音注內侍之官唐從四品上掌在內侍奉出入宮掖宣傳

之事又唐世凡機事皆使內臣宣旨於宰相

緣兩河寇賊未平殄又淮西兇

黨攻逼襄城卿識古知今合有良策宜具陳利害封進

者臣質性凡鈍聞見陋狹幸因乏使簪組升朝薦承過

恩文學入侍每自奮勵思酌獎遇感激所至亦能忘身

出師表由是感激遂許先帝以馳驅注趙岐孟子章句千載聞之猶有感激也但以越職干議

典制所禁未信而言聖人不尚是以循循默默尸居榮

近日日以愧自春徂秋心雖懷憂言不敢發此臣之罪

也亦臣之分也陛下天縱聖德神授英謀明照八表南史

齊高帝紀鳳舉四維龍騰八表恩周萬務猶慮闕漏下詢芻蕘此堯舜

舍已從人好問而好察邇言之意也臣每誦前史見開

說納忠之士乃有泣血碎首牽裾斷鞅者陳琳為袁紹上漢帝書懷

忠獲釁抱信見疑晝夜長吟剖肝泣血前漢杜鄴傳臣聞禽息憂國碎首不恨注應邵曰禽息秦大夫薦百里

奚而不見納繆公出當車以頭擊闐腦乃播出口臣生無補於國而不死也繆公感悟而用百里奚秦以大

治魏志辛毗字佐治文帝欲徙冀州十萬戶實河南時連蝗民飢毗與朝臣俱求見帝知其欲諫作色以見之皆莫敢言毗曰陛下欲徙士家其計安出帝曰卿謂我徙之非耶毗曰誠以為非也帝曰吾不與卿共議也帝起入內毗隨而引其裾帝遂奮衣不還良久乃出曰卿持我何太急耶後漢郭憲傳建武八年車駕征隗囂憲諫曰天下初定車駕未可以動憲乃當車拔佩刀以斷車鞅皆以進議見拒懇誠激忠遂至發憤踰禮而不能自止故也況今勢有危迫事有機宜當聖主開懷訪納之時無昔人逆鱗顛沛之患史記韓非傳夫龍之為蟲也可擾狎而騎也然其喉下有逆鱗徑尺人有嬰之則必殺人人主亦有逆鱗說之者能無嬰人主儻又上探微旨慮匪悅聞傍懼貴臣將之逆鱗則幾矣為沮議首尾憂畏前後顧瞻是乃偷合苟容之徒非有

扶危救亂之意此愚臣之所痛心切齒於既往是以不忍復躬行於當世也心蘊一本作欲行忠憤固願披陳職居

禁闈爾雅宮中之門謂之闈注謂相通小門也廣雅曰闈謂之闈當備顧問承問而

對臣之職也寫誠無隱臣之忠也謹具件如後惟明主循省而備慮之豈有微臣獨荷容納之恩實億兆之幸

社稷之福也臣本書生不習戎事竊惟霍去病漢將之良者也每言行軍用師之道顧方畧何如耳不在學古

兵法史記霍去病傳天子常欲教之孫吳兵法對曰顧方畧何如耳不在學古兵法是知兵法者無他見其情而通其變則得失可辨成敗可知古人

所以坐籌樽俎之間制勝千里之外者戰國策千丈之城拔之樽俎之間

開晏子春秋仲尼曰夫不出於樽俎之間而知千里之外得此道也臣才不逮古人

而頗窺其意是敢承詔不默輒陳狂愚伏以剋敵之要

在乎將得其人馭將之方在乎操得其柄將非其人者

兵雖衆不足恃操失其柄者將雖才不爲用兵不足恃

與無兵同將不爲用與無將同將不能使兵國不能馭

將非止費財翫寇之弊亦有不戢自焚之災左傳衆仲曰夫兵猶

火也弗戢將自焚也自昔禍亂之興何嘗不由於此今兩河淮西

爲叛亂之師者獨四五凶人而已通鑑本注四五凶人謂河北則朱滔王武

俊田悅河南則李納漢書景帝紀詔尚恐其中或有傍遭註誤

淮西則李希烈也帝紀詔內蓄危疑蒼黃失圖洛陽伽藍記

日吳王濞等爲逆起色雜蒼黃北兵相脅註誤吏民

山移文蒼一作勢不得止亦未必皆是處心積慮果爲姦

黃反覆一作逆以僭帝稱王者也況其餘衆蓋並脅從書脅從苟

謀一作知全生忠豈願爲惡若招攜以法悔禍以誠使來者

必安者必久斯道積著人誰不懷縱有野心難馴左傳

楚司馬子良生子越椒子文曰必殺之是子也熊虎之

狀而豺狼之聲弗殺必滅若敖氏矣諺曰狼子野心是乃狼也其臣知其從化者過半矣舞干格苗豈獨虛言

假使四五兇渠俱稟梟鷂之性其下同惡復有十百相

從是皆卒伍庸流闖茸下品前漢賈誼傳闖茸尊顯兮

肖之其志好不過聲色財貨之樂其材用不過蹴鞠距

踴之能史記霍去病傳驃騎尚穿域蹋鞠注鞠戲以皮

兵勢所以陳武事知有材也正義曰按蹴鞠書有域說

力也左傳距躍三百曲踊三百其約從締交則迭相侮

詐以為智謀其御眾使人則例質妻孥以為術數斯乃

盜竊偷安之伍非有姦雄特異之資以陛下英神志期

平一君臣之勢不類逆順之理不侔形勢之大小不論

師徒之眾寡不敵然尚曠歲持久師老費財加算不止

於舟車東方朔客難曠日持久史記平準書非吏比者

一算商賈有輶車使出二算重其賦也正義曰武帝國

用不足故稅民田宅船車皆平作錢徵卒殆窮於閩濮

數每千錢一算也一算百二十文

史記東越傳注按說文云閩東越蛇種也故字從虫閩

聲音旻書牧誓蔡傳濮在江漢之南楊慎丹鉛錄鄭語

楚蚡昌始啓濮劉伯莊曰濮在楚西南左傳麋人率百

濮伐楚通典有尾濮木綿濮文面濮折腰濮赤口濮黑

棘濮周書王會篇卜人以丹砂注云西南之蠻卜人蓋

濮人也諸濮地與哀牢相接今按哀牢即永昌濮人今

蠻名蒲答肉捶骨呻吟里閭送父別夫號呼道路杼軸已

由乎股肱之臣日月獻納復為陛下察其事乎臣愚無
 知實所深惑遂乃過為臆度輒肆討論以為剋敵之要
 在乎將得其人馭將之方在乎操得其柄將非其人者
 兵雖眾不足恃操失其柄者將雖材不為用今以陛下
 效其明聖羣帥畏威雖萬無此虞然亦不可不試省察
 也陛下若謂臣此說蓋虛體耳不足徵焉臣請復為陛
 下效其明徵以實前說田悅倡亂之始氣盛力全恆趙
 青齊迭為唇齒唐書田悅傳德宗立不假借方鎮諸將
 養士七萬輒下符罷其四萬歸田畝悅因大集將士激
 之曰爾等籍軍中久仰縑廩養父母妻子今罷去何恃

而生眾大哭悅乃悉出家貲給之各令還部自此魏人
 德悅及劉晏死藩帥益懼又傳言帝且東封泰山李勉
 遂城汴州而李正己懼率兵萬人屯曹州乃遣人說悅
 同叛悅因與梁崇義等阻兵連和建中二年鎮州李惟
 岳淄青李納求襲節度不許悅為請不答遂合謀同叛
 會於邵令狐峘等表汰浮圖悅乃詐其軍曰有詔閱軍
 之老疾疲弱者由是舉軍咨怨悅與納會濮陽納分兵
 佐悅會幽州朱滔等奉詔討惟岳悅乃遣孟希祐以兵
 五千助惟岳別遣康愔以兵八千攻邢州楊朝光以兵
 兵五千壁盧曠絕昭義餉道悅自將兵數萬繼進
 下特詔馬燧委之專征抱真李芄聲勢相援通鑑綱目
 滔累月不拔城中食且盡李抱真告急於朝詔馬燧將
 步騎與抱真討悅又遣李晟將神策軍與之俱又詔朱
 滔討惟岳燧等軍未出險先遣使持書諭悅為好語悅
 謂燧畏之不設備燧等進軍至臨洛悅悉眾力戰悅兵
 大敗斬首餘萬級悅夜遁邢州圍亦解悅求救於納及
 惟岳納及惟岳遣兵救之悅收合散卒得二萬餘人軍

於洹水淄青軍其東成德軍其西首尾相應馬燧帥諸軍進屯鄴詔河陽節度使李芄將兵會之

於時

士吏畏法將帥感恩俱蘊勝殘盡敵之誠未有爭功邀

利之釁故能累摧堅陣深抵窟巢元惡幸脫於俘囚兇

徒幾盡於鋒刃

唐書馬燧傳悅遣將王光進以兵守漳之長橋築月壘扼軍路燧於下流以鐵

鑱維車數百絕河載土囊遏水而後渡悅知燧食乏深壁不戰燧令士齎十日糧進營倉口與悅夾洹而軍造

三橋逾洹日挑戰悅不出陰伏萬人將以掩燧燧令諸軍夜半食先雞鳴時鳴鼓角而潛師並洹趨魏州令曰

聞賊至止為陣雷百騎持火待軍畢發匿其旁須悅衆度即焚橋燧行十餘里悅率李納等兵踰橋乘風縱火

譟而前燧乃令士無動命除榛莽廣百步為場募勇士五千人陣而待比悅至火止氣少衰燧縱兵擊之悅敗

走橋橋已焚衆赴水死者不可計斬首二萬級淄青軍幾殲

臣故曰剋敵之要在乎

將得其人馭將之方在乎操得其柄此其明效也田悅

既敗力屈勢窮且皆離心莫有固志乘我師勝捷之氣

躡亡虜傷夷之餘比於前功難易百倍既而大軍遂駐

遺孽復安

通鑑馬燧與李抱真不協頓兵平邑浮圖悅夜至南郭大將李長春門關不內以俟官軍

久之天且明長春乃開門內之悅殺長春嬰城拒守城中士卒不滿數千死者親戚號哭滿街悅憂乃持佩刀

乘馬立府門外悉集軍民流涕言曰悅不肖蒙淄青成德二丈人保薦嗣守伯父業今二丈人即世其子不得

承襲悅不敢忘二丈人大恩不量其力輒拒朝命喪敗至此使士大夫肝腦塗地皆悅之罪也願諸公以此刀

斷悅首持出城降馬僕射自取富貴無為與悅俱死也因從馬上自投地將士爭前抱持悅曰尚書舉兵徇義

非私己也某輩累世受恩願奉尚書一戰不勝則以死繼之悅乃與諸將各斷髮約為兄弟誓同生死悉出府

庫所有及歛富民之財得百餘萬以賞士卒衆心始定復召貝州刺史邢曹俊使之整部伍繕守備軍勢復振其後餽運日增師徒日益於茲再稔左傳不及五稔注稔年也竟不交鋒通鑑初李抱真為澤潞節度使馬燧領河陽三城抱真欲殺懷州刺史楊鉢鉢奔燧燧納之且奏其無罪抱真怒及同討田悅數以事相恨望二人怨隙遂深不復相見由是諸軍逗撓久無成功量兵力則前者寡而今者多議運資則前者薄而今者厚論氣勢則前者新集而今者乘勝度攻具則前者草創而今者繕完計兇黨則前者盛而今者殘揣敵情則前者銳而今者挫然而勢因時變事與理乖當易而反難當進而中止本末殊趨前後易方順理之常必不如此臣故

曰將非其人者兵雖衆不足恃操失其柄者將雖材不為用自此昔必然之效但未審今茲事實得毋近於此乎在陛下熟察而亟救之耳固不在益兵以生事加賦以殄人無紓目前之虞或興意外之患人者邦之本也書民惟邦本財者人之心也兵者財之蠹也左傳韓宣子曰兵民之殘也財用之蠹小國之大菑也注蠹害物之蟲其心傷則其本傷其本傷則枝幹顛瘁而根柢蹙拔矣惟陛下重慎之愍惜之今師興三年可謂久矣稅及百物可謂繁矣陛下為之宵衣旰食可謂憂勤矣通鑑音注宵衣謂未明求衣也旰食謂日旰而食也海內為之行齋

居送可謂勞弊矣而寇亂有益剪滅無期人搖不寧事變難測是以兵貴拙速不尚巧遲孫子兵聞拙速未觀巧之久也速則

乘機遲則生變此兵法深切之誠往事明著之驗也夫

投膠以變濁不如澄其源而濁變之愈也抱朴子寸膠不能理黃河

之濁尺水不能揚湯以止沸不如絕其薪而沸止之速却肅坵之火

也前漢枚乘傳欲湯之滄一人炊之百人揚之無益也不如絕薪止火而已是以勞心於服

遠者莫若修近而其遠自來多方以救失者莫若改行

而其失自去若不靖於本而務求於末則救之所為乃

禍之所起也修近之道改行之方易於舉毛但在陛下

然之與否耳倘若重難易制姑務持危則當較禍患之

重輕辨攻守之緩急臣謂幽燕恆魏之寇勢緩而禍輕

唐書地理志幽州范陽郡又隋於營州之境汝羅故城置遼西郡武德元年曰燕州鎮州常山郡本恆州魏州

魏郡俱屬河北道謹按幽燕謂朱滔恆謂王武俊魏謂田悅汝洛滎汴之虞勢急而

禍重唐書地理志河南府河南郡本洛州鄭州滎陽郡屬河南道謹按此謂李希烈汝汴注見制誥八卷

緩者宜圖之以計今失於屯戍太多急者宜備之以嚴

今失於守禦不足何以言其然也自胡羯稱亂首起薊

門注見制誥五卷中興以來未暇芟蕩因其降將即而撫之唐鑑

廣德元年閏正月以史朝義降將薛嵩為相魏邢洛貝磁六州節度使田承嗣為魏博德滄瀛五州都防禦使

韓文集 卷之十一 二十一 和音堂

李懷仙為幽州盧龍節度使時河北諸州皆以降高等
迎僕固懷恩拜於馬首乞行閒自效懷恩亦恐賊平寵
衰故奏畱嵩等及李寶臣分帥河北自為黨援朝廷亦
厭苦兵革苟冀無事因而授之范氏曰唐失河北實自
此始由任蕃夷朝廷置河朔於度外殆三十年矣一本無矣

字非一朝一夕之所急也田悅累經覆敗氣沮勢羸偷

全餘生無復遠畧武俊蕃種有勇無謀朱滔卒材多疑

少決皆受田悅誘陷遂為猖狂出師

通鑑綱目時河北畧定惟魏州未下

李納勢日蹙朝廷謂天下不日可平以張孝忠為易定
滄州節度使武俊日知為恆冀深趙團練使以德棣二
州隸朱滔令還鎮滔固請深州不許由是怨望畱屯深
州武俊自以不得為節度使又失趙定不悅復有詔令
武俊以糧三千石給朱滔馬五百匹給馬燧武俊以為
魏博既下朝廷必取恆冀故分其糧馬以弱之疑未肯

奉詔田悅聞之遣判官王侑說朱滔曰今上志欲掃清
河朔不使藩鎮承襲魏亡則燕趙為之次矣若司徒矜
魏博而救之非徒得存亡繼絕之義亦子孫萬世之利
也滔大喜即遣侑歸報又遣王邳說王武俊曰大夫出
萬死之計誅逆首康日知豈得與大夫同日論功而朝
廷褒賞畧同誰不憤悒今又聞詔支糧馬與鄰道朝廷
之意先欲貧弱軍府俟平魏之日使馬僕射朱司徒共
相滅耳司徒不敢自保使邳等效愚計欲與大夫共救
田尚書而以深州與大夫三鎮連衡若耳目手足之相
救則他日永無患矣武俊亦喜許諾相與刻日舉兵南
向

魏郊遽又退歸巢穴

通鑑綱目滔將步騎二萬五千發深州至東鹿詰日將行士卒忽大

亂誼諛曰天子令司徒歸幽州奈何違勅南救田悅滔
大懼蔡雄等謂士卒曰司徒血戰以取深州冀得其絲
纊以寬汝曹賦率不意國家無信今茲南行乃為汝曹
非自為也衆曰雖知如此終不如且奉詔歸鎮雄曰然

則汝曹各歸部伍休息數日相與歸
鎮耳衆然後定滔即引軍還深州
意在自保勢無他

圖加以洪河太行禦其衝
西都賦右界褒斜隴首之山

釋太行山連亘河北并汾洛潞厭其腹
唐書地理志太原府本并州汾

諸州為天下之脊州西河郡潞州上黨郡屬河東道洛州廣平郡屬河北

道文獻通考并州古之并州以其地在兩谷之間故為

并州亦曰在衛水常水之間汾州春秋時晉地後魏置

汾州洛州禹貢覃懷底績至於衡漳春秋時赤狄之地

後周置洛州潞州春秋時初為黎國後狄人奪其地雖

赤狄潞子嬰兒為晉所滅其地盡屬焉後周置潞州雖

欲放肆亦何能為又此郡兇徒互相劫制急則合力退

則背憎通鑑綱目李晟謀取涿莫二州以絕幽魏往來

之路圍清苑累月不下朱滔自將救之晟軍大

敗還保定州王武俊以滔未還魏橋遣宋端趣之言頗

不遜滔怒曰滔以救魏博之故叛君棄兄如脫屣二兄

必相疑惟二兄所為武俊遣使
者見滔謝之然以是益恨滔矣
是皆苟且之徒必無越

軼之患此臣所謂幽燕恆魏之寇勢緩而禍輕希烈忍

於傷殘果於吞噬據蔡許富全之地
唐書地理志許州

蔡注見制益鄧襄鹵獲之資
鄧注見制意殊無

誥九卷厭兵且未劬
廣韻劬挫也綱目東寇則轉輸將阻
通鑑

集覽敗北曰劬希烈密與朱滔等交通李納亦數遣遊兵度北窺則都

汴迎希烈由是東南轉輸者皆自蔡水而上

城或驚此臣所謂汝洛滎汴之虞勢急而禍重代朔邠

靈之騎士自昔之精騎也
唐書地理志代州鴈門郡朔

州古唐國之地趙武靈王破樓煩置雲中鴈門代郡續

通典朔州春秋北狄之地後魏孝文遷洛之後於定襄

通典朔州春秋北狄之地後魏孝文遷洛之後於定襄

故城置朔州邪注見卷上黨盟津之步卒當今之練卒

也通典潞州春秋時初為黎國後狄人奪其地赤狄潞

也子嬰兒為晉所滅其地盡屬焉秦置上黨郡後周置

潞州隋置韓州唐為潞州或為上黨郡洛陽東北有盟

津本孟地名都水所湊古今以為津武王會八百諸侯

同于此盟故曰盟津唐書李抱真傳抱真策山東有變

澤潞兵所走集乘戰伐後賦重人困軍伍彫刑乃籍戶

三丁擇一蠲其徭租給弓矢令閑月得曹偶習射歲終

大校親按籍第能否賞責比三年皆為精兵舉所部得

成卒二萬既不稟於官而府庫實乃曰軍可用矣繕甲

淬兵遂雄山東天下稱昭義步兵為諸軍冠謹按唐上

黨盟津同隸悉此疆勁委之山東通鑑音注河自龍門

昭義節度流秦國在河之西山自鳥鼠同穴連延為長安南山至

於秦華秦國在山西韓魏趙齊楚燕六國皆在河山

以東又考賈誼所謂建武關函谷臨晉關者大抵為備

山東諸侯可見自秦之外皆謂之山東矣顧炎武日知

錄古所謂山東者華山以東自函谷關東總勢分於將

謂之山東非若今之但以齊魯為山東也

多財屈於兵廣以攻則曠歲不進以守則數倍有餘各

懷顧瞻遞欲推倚此臣所謂緩者豈圖之以計今失於

屯戍太多李勉以文吏之材當浚郊奔突之會哥舒曜

以烏合之衆通鑑音注飛鳥見食羣集而聚啄之人或

者謂之驚之則四散飛去故兵以利合無所統一

烏合扞囊野豺狼之羣唐書哥舒曜傳李希烈陷汝

軍以為繼援累勅諸鎮務使協同睿旨殷憂人思自效

但恐本非素習今不適從奔鯨觸羅陳琳為曹洪與世子書若駭鯨之決

細網奔兕倉卒難制首鼠應敵前漢灌夫傳何為首鼠

前一却也陸佃云鼠性疑出穴因循莫前此臣所謂急

者宜備之以嚴今失於守禦不足陛下若察其緩急審

其重輕使懷光帥師救襄城之圍通鑑建中四年八月李希烈將兵三萬圍

哥舒曜於襄城詔李勉及李芄還鎮為東都之援通鑑

神策將劉德信將兵救之李芄還鎮為東都之援音注

劉昫曰東都周之王城平王東遷所都也故城在今苑

內東北隅自赧王以後及東漢魏文晉武皆都於今故

洛城隋大業元年自故洛城西移十八里置新都今都

城是也唐世人主往來東都西京而實都長安以長安

師為京汝洛既固梁宋亦安一統志梁漢之國名治碭郡

業初改曰梁是乃取有餘救不足罷關右賦車籍馬之

擾滅山東飛芻輓粟之勞通典秦欲攻匈奴使天下飛

故曰飛芻也輓無擾則禍患不生息勞則物力可濟非

止排難於變切亦將防患於未然徵發既停守備且固

足得徐觀事勢更選良圖此於紓亂解紛老子挫其抑

亦計之次也議者若曰河朔羣盜尚未殲夷儻又減兵

必更生禍此蓋好異不思之說耳臣請有以詰之前歲

伐叛之初惟馬燧抱真李芄三帥而已以攻必克以戰

必疆是則力非不足明矣洎遲留不進乃請益師於是
 選神策銳卒以繼之而李晟往矣猶曰未足復請益師
 於是召朔方全軍以赴之而懷光往矣幾遣加半之戍
 竟無分寸之功是則師不在衆又明矣然而可托以為
 解者必曰王師雖益賊黨亦增曩獨田悅寶臣今兼朱
 滔武俊臣請再詰以塞其辭曩之田悅寶臣唐書李寶臣傳李寶
臣本張忠志擢禮部尚書封趙國公名皆蓄銳養謀劇
其軍曰成德即拜節度使賜姓及名賊之方疆者也後漢董宣傳江夏有劇尋而田悅喪敗
 寶臣殲夷谷況燕南記忠志末年惟納妖妄之人兼陰
陽術數諂媚苟且之輩爭獻圖讖稱有尊位

詐作朱草靈芝鑿石上作名字又於後堂院結壇場清
 齋菜食置金杯玉斝銀盤云甘露神酒自至其內又言
 天符下降忠志自謂命符上天將吏罔有諫者使行文
 牒布告州縣云靈芝朱草王者之瑞輒生壇上香滿院
 中靈石呈祥天符飛應甘露如蜜神酒盈杯匪我所求
 不期自至各牒管內郡縣宐令知悉同為喜慶也既而
 日為妖妄者更相矯云不日當有天神下降持金箱玉
 印而至然後即大位為天所授也四方皆自歸伏不待
 征討海內坐而定矣忠志大悅多以金銀羅錦異物賞
 之陰陽妖妄者自知虛偽恐事泄見誅其言相公宐服
 甘露靈芝草湯即天神降速忠志一任妖者遂雖復朱
 於湯中密著毒藥既飲畢便失音三日而卒

滔武俊加於前亦有孝忠日知乘其後唐書張孝忠傳
始名阿勞以兵

屬李寶臣賜今名寶臣死子惟岳擅立詔朱滔以幽州
 兵討之滔忌孝忠善戰使判官蔡雄往說歸國孝忠然
 之遣將程華報滔連和德宗嘉之擢檢校工部尚書
 德軍節度使康日知傳康日知少事李惟岳惟岳

知與別駕李濯及部將百人啐牲血共盟固州自歸

是則賊勢不滋於曩日

有溢於昔時又明矣曩以太原澤潞河陽三將之衆

三將謂馬燧李抱真李芄

當田悅朱滔武俊三寇之兵今朱滔遁歸

武俊退縮惟此田悅假息危城設使我師悉歸彼亦纔能自守況畱抱真馬燧足得觀釁討除是則減兵東征勢必無患又明矣畱之則彼爲冗食徙之則此得長城化危爲安息費從省舉一而兼數利惟陛下圖之

